

# 瞎堂詩集

何耀光




署

第三

PL  
2698  
.T5  
v.3





Digitized by the Internet Archive  
in 2010 with funding from  
York University Libraries





瞎堂詩集卷十一



天然禪師著

書記今毬編

七言律二

癸巳秋將之佳山寄別廣州諸子

臨岐不作別離情  
望裏烟霞足此生  
聞鶴已傷行路意  
畏人猶諱買山名  
十年瘴海餘秋色  
千里雲帆入雁聲  
寒夜紫霄深雪處  
論交先寄石羊城

佳山懷剩人弟

歸臥廬峯憶舊因  
夜深誰共侍瓶巾  
千株松栢前朝樹

萬里關河羈旅人  
明月未殘竹影寺  
黃雲長蔽雁門津  
艱難閱盡頭先白  
兄弟遙看淚欲頻

禮金輪峯舍利塔

層崖疊嶂擁金輪  
辛苦誰憐負鐵人  
寺是右軍開晉室  
塔傳竺土肇西秦  
雲霞縹緲諸天儼  
日月升沉百代新  
稽首長空餘涕淚  
感恩徒有剎塵身

秋夕奉懷長慶老人

詩成次日卽接老人書師弟  
相感如此不可不識

一別雲山歲月虛  
問安猶記朔風初  
曾爲弟子恩非薄  
仰事吾師愧有餘  
月上禪西幢影亂  
燈明方丈履聲徐  
金輪捧足何年事  
泥首長空掩敝廬



買山 九日悼梁同菴

吳山越水共茫茫會盡因緣亦自傷  
半榻寒燈風雨舊一簾秋色夢魂長  
故鄉望斷空千里折柬開殘但八行  
曠劫不忘師弟子只今無奈菊花香

甲午四月八日再禮金輪峯舍利塔

二十年來話未圓今朝重禮窣波前  
心懸海外烟霞幻足履雲中色相捐  
徧界不曾藏面目一峯何處論中邊  
此生定遂終焉願坐斷羣巒獨晏然

送頓修真佛行乞兼懷嶺南九江諸子

金井橋邊風習習玉淵潭上月娟娟  
十年殘夢無尋處

明堂詩集 卷十一  
一  
一夕離歌盡惘然已許白雲成我友又隨流水作人緣  
因君忽動無窮思嶺海豫江霜葉前

與卽覺頓修話舊

二十年前古道存瞿塘無路覓精魂此心欲向青山付  
佳話空傳流水喧衆病漸侵何可久情緣疎淡不堪論  
焚書直入亂雲去忍聽人間說感恩

用韻酬阿字時阿字以結茅留江州

寂寞雲中又一秋忽驚柿葉滿峯頭九江澄漢堪聞雁  
五老斜陽獨上樓入郭應知泉石穩投林殊歎道名浮  
買山誰作住山計辛苦都忘在沃州



須識以端陽入嶺訂予九月還山霜露已降消息  
渺然病中多感紀之以詩

到海定知三夏盡歸山曾約北風初夜寒病骨應愁汝  
秋杪長途每繫予解語好教窓外鳥忘懷只有案頭書  
一杯蘆服何人進坐候晨鐘霜月餘

十月九日病起

白草紛披孤磴出青鳥啐啄敗垣寒野人病起若初到  
舊處經行作夢看亂葉拚將流水去千峯忍見夕陽殘  
龐眉石上知誰世細雨斜風祇自歎

山中病起人境初涉而茅屋待結遠人未歸悵然

興懷書寄阿字

一生多病爲人忙  
百事違心徒自傷  
世亂有山容易住  
道衰無侶不成藏  
白門僧去溪雲斷  
雁翅書來海日長  
爲報江州莫久滯  
北風吹雪入茅堂

冬夜懷足兩

蕭條寒色掩山齋  
夜靜鐘殘影自埋  
念爾情窮尚孤寄  
因人腸冷一興懷  
狂吟海岸應無伴  
共棹江雲那有涯  
古道只今寥寂甚  
不勝惆悵步庭階

入博山舟次石港

赴長慶老人召命

舟行八百半長途  
石港臨村客況孤  
水落沙寒深夜火



天空雪白滿江蘆深山紆曲奔師命杖履疎違愧我愚  
明日香臺重泥首慈雲千帀護雙趺

湓石灘夜泊與阿字頓修書懷

古木森森山鳥鳴孤舟日暮不勝情多時沙際三人影  
到處灘頭一水聲胸次欲橫星漢外鬚眉猶照晚霜清  
風塵賴有敝袍在地角天涯莫寄名

奉侍長慶老人高泉晚步詩示隨行諸衲

早春乘興午風溫樹裏行人望遠村回首忽驚新客邸  
亂坡如出舊郊原巍然碩果吾師在蔚爾新枝若輩存  
溪鳥一鳴山盡綠百年此日竟誰論

雪五首

半落層崖斷壑中，靜依雲樹望成空。  
月疑淺影若堪似，梅逐餘香未許同。  
不信馬蹄能久白，獨憐櫓柁傷深紅。  
何人高臥峨嵋頂，滿目寒光路欲窮。

潔白何曾上獨峯，只教巖麓絕人踪。  
壓斜茅殿萬山悄，欲啓柴門深夜從。  
幸託青松堪自見，却嫌紅燄愧爲容。  
禁寒或亦饒孤賞，聊許高人一寄筇。

濛濛萬象獨憑陵，何物光茫積素凝。  
面目冷然遺草澤，肝腸如見託崢嶸。  
若爲熱處偏成水，不耐寒多竟作冰。  
惟有野人茅舍穩，斷橋孤嶼一枝藤。



一夜嚴威生大漠萬山如醉儼成降尚堪爲白先投嶽  
未肯成冰但入江素練條條千樹一青眸皎皎幾人雙  
淒清莫作窮冬事破衲蒙頭早閉窓

霏霏如絮到茅茨想見烟深草沒時零淚似傷寒日落  
投空匪畏北風吹四山昏翳愁青黛一室冰稜笑白眉  
只恐暫晴樵路穩無人更起剡溪思

送漸侍者歸省

悵望湖州未敢歸故園楊柳欲依依忍看國破先離俗  
但道親存便返扉萬里飄蓬雙布屨十年回首一僧衣  
悲歡話盡寒山在殘雪孤峯望晚暉

萬年山居

夏日生涯易到秋陰森松竹倚山樓懷高霄漢從風雨  
倦倚佳牀聽鶉鴝三藏豈須歸白馬五千何用覓青牛  
柴門寂寞烽烟外不信人間有許由

四月雨中卽事

風雨飄搖茅舍欹日長寒竈午炊移山中乞士方離院  
江上歸帆已過時播穀預占今歲早種瓜須記去年遲  
商量浩浩成何語羞聽黃鶯啼短籬

送阿字之瀋陽訊剩人弟

羅浮佳嶽十年外吳水燕山萬里餘鴻雁影分沙磧暮

鵲鴿聲急朔風初牧羝地識蘇卿雪洗馬池深刺史廬  
海外干戈烟塞遠關心雲樹正躊躇

阿字臨行口占示之

萬里傳持白紙書往來無伴莫躊躇父翁消息全憑汝  
兄弟天涯欲慰予雲水不教沾一滴衲衣珍重更無餘  
仙歌日待遼陽鶴早晚溪橋認舊廬

初秋書懷

兀兀山堂意漸降飄飄秋葉送寒窓三年遊子傳臨粵

聞具一入嶺

萬里征人已渡江

阿字往藩陽

入北定瞻新帝闕回

南猶是舊蠻邦關門自此無防閑夜夜胡笳到石幢



棲賢懷古

谷口白雲何處人堂前深草易生悲讀書高仰名公跡  
拭淚徒銷濁世疑烟雨屢更殊未定溪山長峙不堪思  
相看更莫論千古他日興懷正此時

丙申生日

窮年兀兀似憨癡鳥道虛空舉向誰伯玉知非先一臘  
香林走作未移時寒溪石上吟何已空谷人來未可知  
白日降心唯此道千松巖月意遲遲

送來機奉母還嶺南兼寄社中諸子

青青竹筴春船遠白白山雲谷日舒我母畏寒歸嶺海



而師好靜滯佳廬四依清苦爲徇道三業精勤勝讀書  
珍重故園搖落後十年楊柳夢魂餘

懷阿字

慈烏啞啞盼危枝況復投荒萬里疑想去欲知經夏處  
望歸空記出門時佳雲影覆千山衲邊月寒生五老帷  
關塞極天戎馬日却憂吾道苦相思

懷足兩

結茅相傍石梁東一臘雲烟心事同乞食隨人過貢水  
還山有約憶西風千家曙色投朝市六月寒林坐晚鐘  
老去漸哀吾道喪蹉跎歲月別離中

懷吼萬須識

佳廬深谷駐寒烟誰共開池種白蓮借飯有人從楚澤  
寄囊無路到秋天獨行市井見新月徙倚茅堂聽夜泉  
所歎道孤年運邁夢魂猶繫穆陵邊

滕王閣

撥雲倚棹度江津戴笠登樓景倍新雨過西山人望越  
尉陀封南越王風迴南浦雁歸秦背城畫角孤烟晚近  
故嶺南亦稱越水蘆花隔岸春俯仰一回思帝子碧霄無際浪無塵

滕王閣五首和足兩韻

早年瓢笠及登臨亂後棲遲遂至今懷古況逢新畫棟



憑高因見舊蒼岑  
歌鐘幾向人間換  
詞賦猶憐世外尋  
我亦臥遊舒遠矚  
長江孤照白雲心

高樓雄鎮坐春風  
勝國洪圖今古同  
戎馬喜隨歌舞散  
文章愁逐玉鸞空  
江魚雲雁浮沉外  
南貢西山日夜中  
俯仰共知遊覽意  
臨秋應信蓼花紅

東南平望控通津  
豪貴才華異代人  
樓閣只今全盛氣  
江山終古有餘春  
閒雲自是當虛檻  
極浦何辭長白蘋  
莫向登臨重懷抱  
杖頭無地覓風塵

夜濤千里錦帆輕  
錯落嘉賓足盛名  
倚醉清風同此日  
是誰豁眼得生平  
牢騷作賦詞人淚  
慷慨當筵壯士鳴

滿目河山成曠代平觀空有老僧情

高懷年少獨登樓縱是無家亦乍愁四望雲山忌作客  
一聞鴻雁暗驚秋蘆花宿月沉沙渚羌笛因風滿鷺洲  
天地自來虛橐籥不堪人事日悠悠

還嶺南道中得阿字長安書

多病已拚佳嶽去因人復向海門歸聚船南貢江橋在  
布穀春疇山日違萬里音書添旅思三旬風雨想征衣  
馳馳未可酬風穴白日紅塵泥帝畿

初還雷峯示諸子

七賢遠別成何事三老重來信有因若與交臂新交臂



吾猶昔人非昔人老榕垂蔭酬初地弱柳沿溪似舊津  
再禮慈雲深自省肯教狼藉故園春

憶卽覺

虎門水殿春燈迥獅子樓臺霜月殘千里江山一路直  
百年梅柳幾回看却因多病傷吾耄每到良宵念汝單  
案上毘尼須盡讀法庭秋晚攝僧難

寄懷阿侍者

三年纔得一封書夢裏還山信屢虛病去隨人歸瘴海  
懷深無計問江魚而翁憂道長思汝尼母憐兒每向予  
何事五旬心氣盡秋風凝眼倚山廬

六月書懷

在道平觀習漸輕空憐形影笑餘生肝腸於我終無易  
意氣逢人暫一更暇日且教銷貝葉高談聊亦寄閒情  
杜多未必無知己淨護鬚眉入太清

荔支

海外靈株自古今江南江北絕相尋濃陰難覆胭脂色  
錦質誰憐冰雪心近水似拚形影託爲園聊寄姓名深  
畏寒豈是安鄉國白草狼烟情不禁

喜阿字歸自瀋陽

去從湓水趨遼左歸背幽燕入嶺東三年雲月何曾別

萬里溪山自昔同踏雪但知陵寢在逢人休道子卿窮  
生還已是吾門幸休向關門怨朔風

送雪草還歸宗兼寄棲賢諸子

悵望湖山頭漸白送君臨別益淒其金輪夜月虛殘照  
珠海西風怯早吹帆指庾關雲暗處人歸晉寺雪深時  
玉淵再會終無負一語先傳猿鶴知

廣州三首

陸賈清談收百粵衣冠曠代見忠良秩宗首義車先裂  
文苑連營陣亦亾萬古江山皆易主一朝簪紱自從王  
何人構鬪紆傳檄闔國身殲築怨長



粵秀山前鼓角哀  
越王臺畔草堆堆  
飛龍白日旌旗閃  
獨驥黃塵斥堠來  
王謝入爲麾下客  
賈商推出濟川才  
十年巨室誅求盡  
閭巷蕭條喬木災

萬里悲笳朔氣深  
故園搖落倍沾襟  
登樓漫擬劉琨嘯  
出郭誰爲梁甫吟  
普天丘墓無新舊  
近海雲山有古今  
去國豈須憐鄭谷  
徘徊鷗鳥是知音

### 懷樓賢二首

卜隱匡山曾六年  
玉淵金井坐流泉  
出頭已訝盤空勢  
拭眼誰憐避世禪  
生客久拚青草裏  
袁特丘約入山不果近傳物故孤  
蹤猶滯白雲邊  
白雲山在廣州存亡去住知何定  
怪石長松亦

有緣

石人巖下草萋萋洗馬池邊日漸西故山猿鶴夢中覺  
千里風烟望裏迷便擬梅花同雪早難將海色共潮齊  
時危兩負青門客招隱遲回黃葉溪

夢棲賢

昨夜夢到棲賢谷泉聲鳥聲相間鳴高樓欹側雲僧少  
狹徑支離山犬驚牛屋緊圍藏芋種薑田翻轉下蔓菁  
地爐歎息歸何日隱隱聞呼大小名

寄棲賢

早年卜隱盟丹壑反望佳廬作故山留滯海門非我意

暫隨鴻雁寄書還  
新松不厭百千樹  
舊屋從教三五間  
謹護柴扉客客到  
但妨豺虎莫偷閒

冬泉

有引

雷峯無佳泉故飲河水河通潮性鹹一衆苦之  
十月鑿石得泉味甘且多冬天久旱萬井皆涸  
忽然得此洵爲過望命名冬泉作詩誌之

冬日水枯穿地骨冷冷涌出映睂泓  
十年鹹海空愁熱一掬香流但有名  
可汲豈須傷井渫真源那復待河清  
莫勞櫓斷更招隱到處佳泉慙老情

與諸子探早梅



瀕海輕烟古寺東一枝初放竹林中寒香漫道當春異  
疎影偏憐今夕同落落路傍疑過客垂垂人外泣孤鴻  
相尋未必終寥寂對此幽姿妬晚風

己亥冬至

嶺外再逢長至日烟裊風輕散縷愁豈無海市堪舒眼  
不是佳廬莫上樓戎馬鄉關今日淚溪山松菊百年秋  
管灰紋線人間世衰變從教雪滿頭

赴龍溪樊郝諸公探梅之約三首

海闊風高起遠思扁舟乘興恰同期杜陵看去愁偏亂  
裴廸相逢春已遲笑我衣單寧畏此催人頭白欲憐誰

一冬深雪香爐仄肯似黃村薄暮時

昔歲佳梅愁獨賞今年風物好盤桓地僻更逢豺虎遠  
僧閒兼有謝陶歡香浮玉盃人烟暖色冒冰壺日影寒  
回首頓忘天地外石梁金井欲漫漫

萬山積雪駐寒烟殘月疎鐘欲曙天曾憶抱襟開戶坐  
却疑餘夢到林眠疎斜且出黃花後攀折徒憐青草先  
相對盡期深谷裏莫教人羨上皇前

龍溪諸子再約黃村觀梅阻雨不果是夕林將軍

招遊波羅

濛濛細雨暗新潮路濕春泥冷灞橋豈爲滴殘香蕊薄



都緣寒滑馬蹄驕黃村風雪昨堪望浴日烟波晚更招  
暫隨海鳥遲花信乘興還來未寂寥

波羅舟中呈林將軍并同遊徐梁諸公

飛鷁定覘波浪穩浮杯遂作海門遊旌旗射日搖鰲室  
鼓角喧風落雁洲將軍禮數能寬客山叟疎狂欲狎鷗  
蓮社相期盡劉許豈如張翰漫乘流

南海神祠

祝融神廟千秋祀聖代封題百粵名喬木逾深滄海色  
巨濤難蕩古今情厓門日月沉珠浦南越風雲儼穗城  
幾歷興亡香火在年年銅鼓撼潮鳴

浴日亭

薄漢祥雲開紫氣一輪寒日湧滄溟陰霾洗盪孤陽起  
乾德清明萬彙醒曙色已澄新宇宙夕暉猶映舊辰星  
海天上下觀垂象百代興懷在勒銘

登西臺李木洲故址

黃鸞東望獨悠悠雁過西臺悲昔遊花草已埋吳藻麗  
衣冠想見晉風流平林風震星辰動大海潮來天地浮  
九原只在河山裏淚灑新亭未易收

登海光寺樓

萬里波濤驚絕漢高樓回首幾人悲休將作賦擬王粲



錯比行吟哀楚詞寒日獨懸滄海外浮雲欲變古今時  
登臨自笑同年少塵幻無心鴻雁知

訶林菩提樹

古殿巍峩接穹蒼庭蟠嘉樹自梁唐朝鐘暮鼓風鳴葉  
翦鳳飛龍月上廊鐵榦婆娑撐法苑霜枝峭勁挂禪堂  
袈裟重覆思壬午俯仰乾坤垂蔭長

海珠寺二首

濤心湧出梵王宮蜃氣溟溟露瑞容四面波瀾搖畫壁  
一城笳鼓雜晨鐘海上乾坤成殿閣簷前風雨吼蛟龍  
自從宋代開忠簡回首匡門烟霧重

蕩漾青蓮見佛尊  
千年鐘梵至今存  
飄飄帆影來天漢  
浩浩潮聲撼寺門  
雲連雉堞旌旗暗  
水落魚梁市舶喧  
滄海共深香樹蹟  
渚烟沙雁自黃昏

挽瞿菴

有引

瞿公予三十年前交好也  
水雲行脚廿載于今  
歸來數月遽作古人夫  
年運變衰豈能長保第  
一水盈盈弗獲永訣殊  
難釋然爰作悼詞以誌  
不忘

三十年來意氣真  
芒鞋踏徧可憐春  
清風明月留佳句  
衰柳斜陽想幻身  
衣鉢只教歸故里  
風流終不見情人



嶺南自此無尋處越水吳山孰問津

憶匡山舊居五首

一回瘴海心難歇兩住匡廬計未成  
守院數人常入嶺開春隨雁幾歸程  
溶溶石上新潭水寂寂松間舊磬聲  
庭下梅花經雪瘦不堪重憶倚寒情

泉凍無聲鐘漏稀玉淵松影佛燈微  
白分檻外千峯雪紅上爐邊百衲衣  
海臘不寒梅落盡山春兩負雁空歸  
共誰曾住棲賢者此夕風光能幾違

峽橋茅屋堪誰託珠海禪房且自安  
山水多因青鬢誤風烟空向白頭歎  
舊移方丈從蛛網新植松杉作虎欄

幾載經營嚴壑在潺潺一路石門寒

疊疊山河天地間晴空望盡雁洲寒潮聲慣作泉聲覺  
海色長當山色看鄭谷莫輕今世易沃洲真見古人難  
垂垂五十又過二千里雲烟夢未安

蜃海蠻風吹短景嚴城哀角動寒林人情已覺蒼茫晚  
世路還同漭沆深夢裏松花應十畝望中湖水欲千尋  
南來豈爲稻梁計渚雁沙鷗見遠心

送漸監院還棲賢

庚子

匡廬曾悔別離去相送潮頭歸思同殘月漸隨孤棹遠  
青山只在白雲中爲留高樹邀巢鶴想到清秋聽夜鴻



賴有楊岐芳躅在肯教寥寂舊家風

哭千山剩人法弟三首

鴿原北望霧雲重白草堆中古寺松萬里誰教還馬革  
千山今復號熊峯死當邊野非吾意終誤才名惜此宗  
椎拂縱橫知負汝

弟有書索予法子未及遣發遽聞訃音

白頭吟些欲何

從

烏玄鵠白盡乾坤俠骨平心欲並論至性自應投絕域  
深悲何必恨中原十年羶雪酬先澤七刹幢鈴答後昆  
覺範子卿終一死空餘骸骨弔關門

斷舌何年悟世親虛庭六月憶天人徘徊行處蠻烟舊

想像空山塞雪新  
匣裏恩書緘碧血  
磧中遺履拜黃塵  
臨風俯仰慙孤調  
愁對秋高白雁翻

九日雨

近海高秋蜃氣侵  
更愁寒雨苦登臨  
河山不到一翁眼  
松菊相憐百歲心  
把茗欲當陶令酒  
閉門聊效杜陵吟  
青谿何事斷腸處  
獨對流泉霜露深

悼具三

早年避亂投泉石  
因病辭家渡海雲  
白社尚存居士筆  
青山添作苾蒭墳  
淚冷松塋新霜露  
夢繞蘿龕舊見聞  
借汝再來吾已老  
不堪孤雁唳斜曛

漸監寺再還雷峯

荔枝初熟披星去梅樹花開帶雪還我久冥心同水月  
君於何處訪雲山孤舟臘月回初地破寺寒天盼老顏  
添汝三峯數點淚增余五老一回歎

辛丑初春出海幢適同學從長慶來談及剩人殊  
增存歿之感

曾日愈驚離日遠怡山轉見白雲邊干戈不限三千里  
鬚髮徒嗟十六年雁影久虛寒磧外棣華重綻煖春前  
鸞溪立雪幾人在相對珠江只惘然

懷阿字掌孟崖州



絕塞驅馳經兩夏珠崖跋涉又當春鵲原多難空勞汝  
茅屋深移更累人蕩蕩薰風車轍遠條條細柳草堂新  
興懷豈盡傷離別白拂微言清晝貧

上華首臺

不到羅浮已十年登臺松柏望蒼然幢旛曾遶一人後  
堂構空慙七衆先舊植菩提堪蔭月新移石磴尚聞泉  
峯頭老少疑殘夢淚逐西風落枕邊

冬日卽事

日日扶筇望海涯目前生計祇些些一泓潦隔平田闊  
千樹松排東嶺斜山外不知何處岸雲中依舊野人家

閒過木橋詢老叟今年豐稔少噓嗟

憶三峽澗

買得青山千里外愁來空復向誰論溪中疊石疑巖竇  
橋下重巒鎖洞門高松仰看行人小遠水平邀繞座喧  
最是數年金井側一杯招隱易黃昏

諸子邀遊厓門詩以謝之

壬寅

孤情不欲向厓門興廢誰將世外論鬱勃定知埋古殿  
蒼茫何處弔忠魂露濡荒塚青山冷風撼洪溟白晝昏  
祚移時去無今昔千古難忘是感恩





瞻堂詩集卷十二

番禺天然是禪師著

書記今毬編

七言律三

暇園留題

岡城幾歲歌鐘地此日香花勝事新  
曾識主人池上水  
再逢公子竹林春  
干戈過後悲存歿  
巖壑當前孰幻真  
園有英  
石假山野鶴何心細擇木  
爲憐松栢長荆榛

初夏得石鑑凌江報

兩旬風雨到庾關  
一紙音書達故山  
聞道干戈前路遠

定隨鴻雁早秋還三吳烟水十年夢五老雲峯幾日間  
懷抱自深明月裏清光無計夜鐘殘

聞石鑑四月十九日度嶺計此時應到棲賢

扁舟一葉向湓城此日雲峯眼底明高樹鶴疑新箬笠  
隔橋人喚舊時名茅房五月谷風冷松徑三更溪月生  
興洽頓忘千里外懷深併起故山情

中秋大日菴喪次

去年經理華首老人後事亦在斯時

淒然今夕是何夕依舊去秋哭獨身仰看忉利空無際  
回望雙林淚轉新愁極却憐知已在

阿首座離侍者鐵書記侍坐

夜

深偏憶故山真

懷棲賢舊隱并石鑑姜山諸子

誰攜拄杖從金井曾見



賓鴻到海瀕

重陽前二日陳小安入雷峯遂有丹霞之約

異代何人許共尋秋風回首幾霑襟維摩且喜不曾病  
惠遠終慙未入林黃花莫問當年酒白髮難爲後日心  
更欲訂君同長老天然覲面海雲深

丹霞有長老  
峯天然巖

八閩陳季長西蜀喻賡三入山

海島茅菴門半開何人一棹趁秋來黃花滿地慙無酒  
青涕垂膺懶撥灰雲裏有家非劍閣山中無夢儼南臺  
在福州府相期未盡千秋業回首西風松栢哀

秋夜懷頓修



高秋靜院寒先至孤月長塗影倍憐生死頓疑千里外  
悲歡徒憶十年前相看容易成岐路共閱艱難更遠天  
歲月豈堪離別過殘荷衰柳幾潛然

水仙花二首

姑射仙人下彩虹綠裳霓袖隱芳叢性從水石餘香膩  
質合冰霜解色空寒夜無人應入月曉窓孤影易乘風  
相看只有閒雲鶴立賞都疑在鏡中

濯濯幽姿寫不成一溪風雪晚來清北山弱蔓難爲影  
南國繁香愧得名無力倚空春意倦有懷乘月縞衣輕  
探奇總作凌霜韻別島深雲惜此情

夏日李曉湘司寇尹恒復中翰見過和曉湘作

遺老相攜訪僻居  
水清山淺混樵漁  
投閒賴有霜筠寺  
祇對難酬竺尚書  
密樹池邊聆好語  
孤烟墟上送回車  
臨門再訂重來往  
三伏林間風有餘

得頓修返匡山信

憂極忽傳匡嶽信  
平安不敢問歸程  
一腔熱血此生畢  
兩地關心到死輕  
聞道自通先世論  
感時當憶住山情  
荷花殘落西風起  
淅瀝長疑戶外聲

秋日寄何紫屏憲副

憶癸巳入匡山時  
紫屏留滯韋涌比  
返閩中而

子亦回五嶺今年得白門書聞已五十矣念去  
住之無定歎韶光之易逝道業難成相見何期  
感而賦詩聊用誌勉

瑟瑟西風潮汐邊香花誰結未生緣靈光不隔三千里  
魂夢徒迂十二年金井珠江瓢笠異雞鳴鳳翥劍書懸  
多君學易幾無過笑我浮生雪鬢顛

喜陳法楫過山堂

寂寂山堂戎馬外何人負笈入雲林嘗因亂世得高士  
豈爲憂貧生道心秋雨窓虛寒色漸晚鐘人定野情深  
身前身後茫茫裏珍重垂楊倒夕陰



戲柬姚六康

六康與予同舉崇禎癸酉鄉試近聞其送程周量中翰還朝有是秋入都

謁選

之訂

五旬待剡階前草選佛還教先選官但識人間原是幻  
豈嫌山上笑彈冠舊時文社曾稱長此日祇園賴悉檀  
題壁未應忘雪竹何年重過玉淵寒

訓彭進士羨門二首

世間安有閒雲鶴君獨名成恣遠遊野寺似曾題雪竹  
木犀猶故放山樓豈當再過辭生客却訝前因擬狎鷗  
且勒高文留貝葉他年應記碧峯頭

衰柳寒花歲歲同光榮憔悴共秋風欲知物理騰騰外

只在塵緣滾滾中千里合違成雅邁一宵言笑總無窮  
含情更有凝眸處別指庭前百日紅

秋日警衆

梧桐葉墜去年秋電火難追鏡裏頭可是聰明成底事  
枉隨聞見重夷猶百年身世看朝露一代才華逐水漚  
幸自心知同此日猛然提取莫悠悠

尹恒復中秘見過

頻年轉戰知交盡相對真疑夢裏人心淡自應廉吏後  
時危曾現宰官身趨庭有子能娛老避世尋僧得正因  
開士漸推蓮社長羅浮今亦有遺民

送石鑑覲西堂領衆棲賢

憶別佳廬又七年湖光山月待人圓  
栽松未了何生願  
插草遙看後日緣拄杖已傳庾嶺信  
深山知有石頭禪  
烟霞到老真成僻爲寄遐心峽澗邊

送記汝典客隨石西堂之棲賢

借汝篁溪一日別酬予金井十年情  
懷高深谷饒雲水  
誼重連牀老弟兄霜葉滿山人外色  
雪花投澗枕邊聲  
箭鋒試向鍼芒柱千里幢鈴夢裏生

曉湘李大司寇八十一初度

今古齊觀劫外春朱簾高捲彩筵新  
霜威尚見前朝老



雪鬢長看後代人黑白且圖良友對敲推贏得野僧鄰  
桃花流水從通塞穩臥鐘山松栢身

春日李司寇惠詩及栗却酬

風雨瀟瀟春正深落花流水共誰吟青山不到人間眼  
白首偏憐世外心飽讀新詞能永日饑餐脫粟臥長林  
懶殘未必無知己怪石蒼松豈自今

乙巳冬聞沙汰之令

山犬不驚松戶舊寒花猶遠竹籬新袈裟有詔從初服  
雲水無私歸道人牛火漫煨餘涕在鶴形還對一經貧  
舊頭黃葉須收拾莫濫恩光誤早春

陸未菴六十初度

南雄孝山使君尊人

久慕雄州賢太守高堂長侍白頭人從來愷悌多仁壽  
始信廉明有老親五嶺薰風披永日一河慈潤滙通津  
山中野叟遙多祝願憶生前最勝因

尹恒復中翰遣公郎兼中持書入山岢沙汰寬旨  
賦此酬之

野老歸山去不辭誰持折柬寄相思遣兒未肯同裴老  
開社還應愧遠師近日林梢仍向化避人茅屋豈終移  
物情纍卵同今昔珍重篁溪石上時

再示兼中

天語新傳法運回寒梅依舊雪中開雲間僧臥青山穩  
林外人尋白社來空寂欲同真夢泡豪華休作幻樓臺  
吾門大有酬恩句舉向高堂進一杯

得曉湘李司寇見懷詩用韻奉酬

絕島寒林自掩關深居從不爲人間千株松栢清陰外  
萬壘山河落照間雲欲收時空不礙鶴曾棲處去仍還  
書勞太傅思應劇會借遐心到藥欄

丙午元日

炎洲孤嶼阿蘭若臘轉霜殘又到春梅柳喜迎初歲景  
幢鈴長繞去年人光天寶炬隨潮遠市地祥雲捧日新



百尺倚空烟水闊洪崖何處石磷磷

示程周量舍人

大道幸然同內外隨緣且現宰官身王臣付囑非無意  
居士傳燈豈異人十里香花今日勝一圍寶帶舊時因  
主賓機感何年事珍重鐘山雪竹春

寄廖崑湖太守

匡月湖烟尚未收幾人此日憶同遊河山賸有霜筠色  
雲水飄餘桐樹秋五馬重嘶金井畔三車還擬墨池頭  
拭眼因緣今古合一書先報李江州

丹霞詩有序

日赴丹霞舟入江口雲烟縹緲水石廻環奇峯  
間出出沒無路轉轉如行萬山中比知此山之  
勝漸近望長老峯脚疑衡亘蜿蜒從無餘地及  
登岸數遶入關門迥出意外主山崇深左右朝  
對峯巒林立如與本山相連舟所繇長江如南  
華香水溪又如棲賢金井玉淵而實下臨百丈  
一川平闊遠睇孤危到來豁朗此極奇極穩真  
梵刹之備美者也澹歸謂與曹溪雲門鼎足洵  
非過譽垂老得此猶敢歎相遇之晚耶初入院  
縱目應接不暇無開口處澹歸謂和尚法眼不

可無以表彰乃隨足力所及輒成十二律名丹霞詩因命能文諸衲隨意屬和不拘各體總以識一時山川人事之合

初入丹霞

壁立崔嵬透一關不攜柳標跨千山空中風起石梁隱足下雲生鳥道頑長老峯高終古在天然巖待此時還羣巒盡在霜煙裏夜月橫江萬木寒

法堂

紫玉屏臨翠石欄萬山林立一峰寒瓊樓金殿空中幻寶几華巾雲外安窮子衣珠終自得仙人羅扇不須看



一鋪直接庾關上香水潺潺到此間

望長老峰

萬丈孤危在目前亭亭不與衆山緣但看八面無行地  
想見中峰直到天遠近雲巒供怪石淺深沙磧繞晴川  
寶華王座當空倚路滑還他長老禪

紫玉臺

左控重關拱上台擎空仙掌向陽開影分白日臨深壑  
玉斷丹丘作露臺絕巘流雲當北障亂風吹雨度南來  
石籀古篆何年事暮轉寒飈楓葉哀

築竹坡

碧巘崎嶇長綠條野人憑望晚蕭蕭拂崖停日倍秋露  
積石臨江生洞簫鳳翅影連青嶂色龍鱗吟動紫林飈  
山南帝子今何在砂起霧來寒欲搖

芳泉

何人鑿石及寒泉桐葉潏潏玉檻前出浪定占清淨應  
負缶翻爲桔槔憐曹源一滴澄今古渤海千漚競後先  
吸盡西江無著處雲深還待擁輪賢

晚步松嶺

歲寒猶見一叢青高託層崖覆石屏夜月不侵無草地  
曉風頻護獨椽亭蔭垂千仞連雲棧響答長江入海溟

倚杖聞猿却回首下方誰夢到林垌

登海螺巖

重巖飛閣近天門俯瞰羣峯勢獨尊  
晚秀倚空徒自鑑草玄無上與誰論  
心同雲漢形俱外目對星辰意不繁  
踏徧且歸山盡處妙高終日到黃昏

龍王閣

龍王閣下有龍池池在山頭龍不知  
布水爲雲封洞壑順風吹雨到江湄  
出頭天外星辰繞舉足南陲草木披  
徧界不曾藏聽睹六窓長蔽晝暝時

與諸衲遊海螺山脚二首



奇山怪岫赴螺城欲注南湖浸未成  
突岬洪崖插漢立森羅列嶂擁雲橫  
火龍暗度千尋壑丹鳳高昂萬里程  
擬挈亂峻歸上界先教人向別峯行

身在此山山不見潛移一步大家看  
慈威倒正無人處蜿蜒哀斜入畫難  
倚樹仰空飛瀑細牽蘿就石宿雲寒  
自慙垂老逢真境更繞千回興未闌

過錦巖

峭絕雲屏松徑欹大巖疏闊石離奇  
傍無宿地僧歸少門對西江日到遲  
瞻仰金容疑近古指麾靈鷲定何時  
杖頭舉處無多路歎息人間鐘梵稀

朝陽巖尋故址

朝陽巖下訪遺宮樹鎖寒烟萬壑中金像瓦穿殘日照  
僧房門掩敗垣通落泉流漫廚灰冷墜葉縱橫谿路窮  
試看石牀苔沒處陰晴疑有虎狼蹤

丙午除夕

朔風吹雁落人間塞北江南夢欲殘萬里溪山看臘盡  
數峯松竹到春寒佛燈自照夕陽外僧笠誰從鳥道寬  
一夜石泉流不住曉鐘依舊出雲端

丁未元日與諸衲泛舟江上

梵王宮在碧峯頭初日迎春瑞氣浮香散紫霞歸洞壑



鐘搖松響出江流  
欲看金闕參差影  
共泛晴川汗漫舟  
回首畫圖丹嶂外  
何人乘興晚悠悠

元夕

山中歲月無新舊  
撫景隨人樂事仍  
泉落石聲調玉管  
月移雲影暗春燈  
早鳥喚林千嶂綠  
夜猿啼雨一江澄  
人間物序憂遲暮  
只有閒情屬老僧

春日登山門石閣

懶步峯頭曾幾日  
憑高又見草芊芊  
畫中山鳥啼無數  
夢裏春花開正妍  
上界窓臨江岸遠  
下方人望石樓前  
風烟滿目誰爲主  
已覺身隨雲樹邊



送澹歸行化五羊

五年辛苦走山城，構得名藍愜老情。  
畫壁樓臺筆下起，蓮花宮闕舌頭生。  
看雲只有三冬日，冒雪還登二月程。  
春草自青潮到處，江流偏作送人聲。

寄海幢首座

鬢鬆雪鬢滿頭斑，垂老于今始入山。  
上嶺人扶登絕頂，下坡杖倚到前關。  
晚秀茆房還我住，龍王書閣待僧閒。  
封題却憶舟中語，寫去新詩一破顏。

寄雷峯諸衲

白頭遙望萬峯低，小隱何人守故谿。  
去國塞鴻先我見，

入門春燕傍誰棲  
河橋日落漁舟近  
海樹烟深村路迷  
生事百年消一病  
青山依舊白雲齊

春雨

春山將雨雲先布  
雨隱雲中聞石泉  
閉戶却疑空劫住  
開窓如對上皇前  
香烟欲共衣衫濕  
茶氣能令几席鮮  
衆籟頓歸暝坐裏  
萬峯誰記一千年

子規

已知宮闕生芳草  
猶抱愁心泣夕陽  
無那東風增惆悵  
有時寒雨助淒涼  
聲隨流水涓涓遠  
血染殘紅黯黯傷  
莫向山齋悲舊苑  
曉鐘微月夢初長

對花

年年二月放新枝  
挹露含烟似有期  
笑我冷來和月老  
憐人熱去妒風吹  
墻頭一朵春能艷  
澗底千叢夜不知  
閒把膽瓶移近處  
莫教香透捲簾時

種桐

山居生計唯耕植  
共道栽桐勝種田  
無稅不驚雞犬叫  
有鉏休仰子孫賢  
偷禾鼠往鄰村去  
薙草人閒鎮日眠  
三歲便教花作實  
滿篷風送賣油船

南雄陸太守孝山書至却寄

書至始知遊興阻  
迢迢空谷想遐音  
多時莖草榮丹壑



此日清風隔碧岑自笑身形難似鶴空教松樹儼成林  
水雲上下生涯舊墨綬何時拂石陰

贈陸亦樵

當年丹荔頻相對此日青山又到來居士持齋忘歲月  
比丘行脚徧巖隈開懷泉石供圖畫入眼雲烟絕垓埃  
閉戶默然同靜者一翻臨別重徘徊

悼離言

夢裏猶驚久病身老榕窓北已無人難留去影思曾住  
想見新苔長舊痕生死豈惟千里隔合離深恨一冬頻

離言病篤時適予上  
丹霞開春便得訃音

道情盡日傷流水誰向長江問古

津

中秋前五日與諸衲宿片鱗巖

偶共尋涼過露臺追歡更上片鱗隈  
依巖挂屋千峯頂繞壁橫空一徑開  
夜靜鐘聲從地起月寒秋色自天來  
休將此夕疑他夕幾轉幽懷到劫灰

九日

年年此日在高山更不登臨但倚欄  
百歲定知黃菊在一瓢且對白雲寒  
雁辭玉塞空秋草犬吠霜鐘起夜壇  
底事暫隨吟望處風流不與夕陽殘

棲賢石長老生日

老僧舊住溪橋上却憶當時亦五旬潭影杖搖山日落  
紙窓燈暗夜猿頻門庭枯澹思先輩田舍荒蕪賴後人  
莫倚年華少提挈壽昌七十饒頭春

秋日閱陳全人梁同菴英卓今遺稿感而賦詩并  
示諸子

瑟瑟西風薄暮生百年衰柳幾回榮鏡花久逐東流去  
水月猶憐獨夜明斷柬故人空有淚當時孤韻已多情  
道心不向吾門冷珍重雲山好弟兄

金公絢生日

繁華閱盡老王庭炯炯雙眸意氣橫感恩豈必曾相識



耳堂詩集 卷十二  
慕義殊慙暫近名盈戶總爲朱履客遙山猶繫白雲情  
因君益我林泉興幸託長庚耀此生

蕭孟昉生日

曾聞負鐵鑄金輪

公先世曾修金輪塔

覺海隆因屬後人意躁天

中香已舊闍耶手裏麴重新清水欲收丹壑網梵音先

咒毒龍馴

公有願築南湖作放生池先施梵筴各十二部入山

勝緣久植遐齡祉

相見還期大冶春

六十一詩十四首

有引

予去年作青松篇今年復作六十一詩蓋荒山

岑寂撫運自娛不覺成韻寧足示人乃當軸鉅

公不忘衰朽或枉高軒或郵遠札無爲瓊報敢  
代復言冀簿書帖括之餘少爲領畧知世外閒  
情聊復爾爾亦當杯盤狼藉別出一品蔬蓴也  
一週甲子又從頭生事如環誰去留白髮不知人厭老  
青林空見葉爲秋朔風吹雁來衡嶽寒月遲猿下石樓  
多少陵陽餘歲月世間猶此憶滄洲

閱盡興亡隱逾深佳廬彭澤共浮沉空教黃鳥啼來日  
誰向青山問昔心一夕寒花猶是古萬年流水始如今  
長松幾歲勞相伴識得儂渠薄曙襟

青山壘壘忘歸路白露皚皚濕客冠三代廢興猶欲問



身前後不知寒老來方悔少年拙病去難尋向日歡  
誰解預爲衰暮計石門攜手共盤桓

久滯塵寰想洞天歸山不覺已三年人過六十有何事  
峯住千重只是禪下界殘陽雲影裏上方初夜月明前  
聞道近多乘興者隔江應見剡川船

紫霞深處曙鐘寒風轉袈裟罨石欄心逐夜猿聲裏憩  
身隨雲侶臘前觀高幢月落烏初覺疊砌枝橫露未乾  
此意靜中看已老一林松菊繞香壇

微霞薄照影漫漫世上愁從落日攢閒倚石樓思往事  
忽驚陽雁報新寒頭顱久豁重添雪杖屨猶存數繞壇



不用更尋華表鶴六旬人物已凋殘

衰病自知來日少偷閒人去臥時多目前祇有無憂得  
身老其如此道何啄木鳥懸楓樹上摘茶僧向石梁過  
山中底事逢時節歎息人間詠伐柯

漸老漸知吾道穩更無餘夢到羲皇伊耆龍馬昔全盛  
阪涿熊羆今淼茫江雨未收山日出夜鐘纔憩曉雞忙  
韶光冉冉同流水誰信松門活計長

年年見說人多往豈有昨宵今再來猶向石坪低處望  
不妨籬菊暫時開峯高引水當階濺日逼移槐隔檻栽  
青山得住何嫌老返景初殘月上臺

久住佳廬無雪詩去年二月苦吟時青山依舊人添老  
白髮無私天亦垂萬頃冰田春尚早一庭玉樹夜何其  
石梁回首寒猶在獨立松簷却問誰

海螺絕巘覆洪濛老眼臨高豁大空越水東流流不住  
楚雲西望望無窮風吹落葉知何處月到寒宵只此中  
欲倚長天青碧碧一聲鴻雁隔千重

居山只合種山田豈爲無心作俗緣人事強如千日日  
世情薄似一年年道貧不欠他生債身病長賒買藥錢  
便採菊花當服食頽齡無酒亦陶然

手扶人背上丹梯只是臨高眼莫低老去尚能誇足力



興來差不厭人攜猿貪果熟連枝墜鳥識僧歸隔樹啼  
暗數登山今四度明年還擬構巖棲

萬仞峯高獨坐時紙窓虛映滿頭絲古今不到眼前盡  
雲月從教人外移僧繇豈有圖空手榮叟羸將入老詩  
自此更生千歲日石牀題徧定無疑

已虛菴主出先華首座下住瓊南二十餘年與余  
生同甲子適當攬揆分奉舍利以福遐齡

羅浮古木不知年移向瓊南作話傳厚蔭徧宜炎熱地  
新枝重發洎寒天一周甲子伊誰主十萬程途後日緣  
化度未終吾與汝靈珠分曜海潮邊



戊申冬日屬西堂石鑑代主長慶臨別示此

十年未弛吾師擔三請深慙居士心

林孔石有札促余

多爾逆

撐曹洞水爲余雄據大瀉岑先宗斷續寧論後古道凌夷直賴今千里臨風無別語舊頭黃葉慎知音

石長老入閩已有別句臨行再書扇頭二首

老大翻驚歲月頻那堪更作別離人三年寒暖初停夢一夕雲峯又隔春有意菊花成聚首無情梅萼送行津風烟轉盼分閩粵錦水華山却認真

一瓢峽澗冰霜重千里雲幢身世輕話月總教隨刹土臨門猶悔出山情庾關古已多行客烏石今仍對會城

拄杖到時春已半堂前不信草頻生

寄林孔石

折柬殷勤又七年肝腸重布菊花前却慙堂構乘承後  
轉見王臣囑累先白社遙知宗炳意青山分去遠公禪  
臨風更有無言句他日相催一默然

曾公實過訪

舊同年友也

看君幾歲籜皮冠試問從來爲選官念我故山腸欲斷  
拋不得因人岐路淚偷彈不禁忍俊已成白髮南洲暮却憶青  
袍北邸寒莫怪童齡多慷慨低垂猶自倚闌干俗氣不少

作金襴牡丹回

東坡全集 卷二十二  
傾國名花好自持豈因零落慎相期竹籠馳馬慙當日  
雪棹逢僧寄一枝無意桃葩開始盛有情丹壑恨來遲  
回首沉香亭上事空令人憶暮春時



瞻堂詩集卷十三

番禺天然禪師著

書記今毬編

七言律四

南雄陸太守同闔郡諸宰官招入華林

宰官招我下重關  
柳棟橫肩自去還  
愛聽三車遲近院  
曾先五馬入深山  
風流況有宗雷竝  
雲外偏宜皎貫閒  
願見久忘朱戶貴  
麻衣高座鬢毛斑

建封灘尋靈樹禪師舊址

青松高出建封寺  
信棹灘頭問古津  
舊址久成豪族塚

原田半入俗居人坡斜漫滅無行逕竹出參差多著塵  
五百方袍何處去清溪水涸石磷磷

晚泊有感

布帆忽憶十年前獨樹臨江晚泊船戍角淒涼林外壘  
漁燈黯淡渡頭烟行塵擾擾人非昔流水涓涓夜穩眠  
世事總如寒浦雁飛來飛去暮雲天

初入華林

近郭名藍半壑開華簪方服對高臺雲生几席僧催至  
香滿山廚客帶來萬里風烟霜竹斷三生魂夢午鐘催  
相看未易論疇昔且共遐心倒茗杯

贈阮若生

閱徧興亡一布袍  
早傳名字到蓬蒿  
心同野鶴青冥近  
身傍雲菴白社勞  
賣藥韓康疑市隱  
栽松道者愛年高  
投閒豈爲田園樂  
止酒尋僧不姓陶

華林送李別駕廷標入覲

折柬尋僧幾日情  
俄聞萬里逼王程  
一官久繫皇恩重  
三徑從拋樂事輕  
梅萼漸看帆影遠  
杏花回首馬蹄橫  
遙知丹石薰風下  
野老欣傳返旆聲

龍護園

太守新修別院深  
遙分祇樹落城陰  
官閒喜傍烟霞蹟



贈堂詩集 卷十三  
僧僻慙牽纓冕心定化絃歌成佛國已將鐘梵入名林  
谿壇曾見聞樛者空谷寧愁金玉音

還山留別陸太守

真成一日堪千載太守高懷豈偶然揆蹟直深塵劫外  
論心須憶古皇前香花已見當年事雲水還期後日禪  
歸棹未應愁此別石門遙望夕陽邊

歸舟晚望

久住青山性未馴出山何似入山頻猿聲豈爲催歸客  
江色長疑送去人沙上白鷗寒照水祠前青竹靜臨津  
石門深處夕陽閉昔指雲間是隱淪

歲暮

就隱丹峯幾臘殘  
昨隨人去四旬還  
夕寒鶴自歸松頂  
月落雲仍到竹關  
萬里客鄉知歲盡  
一天風雨待春閒  
孤懷淼淼誰堪共  
獨拄桄榔吟上山

寄酬南康別駕沈赤巖

佐郡名豪隔蠡湖  
官齋如水對青菰  
攜觴自有陶彭澤  
看竹應尋舜老夫  
深謝朔風馳雁翅  
空慙明月寄香爐  
多才會見勞丹詔  
還許山人懷刺無

程大佳儀部入山却贈

異代名賢去住閒  
偶攜書笈扣柴關  
永和風味難爲客

彭澤田園豈易閒  
息影且依春樹暖  
登高莫厭石頭頑  
憑君舉目看塵世  
更有何緣好似山

春懷

坐對青山一望寬  
山如黛鏡中看  
馬嘶芳草青烟澹  
燕繞空梁白晝寒  
微雨閉門春寂寂  
落花沉水夜漫漫  
信知世慮由來薄  
亦有幽情時倚欄

春日寄雷峯社中

庾關殘臘惜歸時  
門掩春風日漸遲  
衰鬢自憐山興洽  
閒情惟有水邊知  
淺深綠樹藏茅屋  
開落紅花蔭竹籬  
不分雨過雲又起  
望中難見向南枝



趙孝廉蘇生歸自江陵與同榜潘廣文伊蔚過訪  
同年並轡訪幽居出處支離話有餘千里遠歸淮海夢  
一官猶釣錦江魚難將身世論今日且向雲山問草廬  
松下石牀眠不盡殘冰衰柳燕來初

送沈融谷回浙秋試

青雲直上鄉關路寄別題詩惜柳條郡幕已深庭樹影  
融谷於孝山太守爲內  
外兄弟時客其署中秋江還擬桂香飄三春去馬遲

征雁九夏歸人獨聽潮才子聲名應此日十年回首話  
非遙

春日卽事

朦朧春色石樓前落盡桃花聽杜鵑水漲錦溪知夜雨  
月沉丹嶂起朝烟山中各自成昏晝世上曾無異食眠  
芳草王孫歸未得幾人於此獨潛然

芳草

何處東風送大堤王孫去後獨萋萋郵亭日暮烟方合  
廢苑花飛葉未齊乳鹿眠雲春更暖芳筵坐客晚多攜  
無邊勝事山川上說向侯門醉似泥

憶崇禎丁丑寓鷺峯寺上元日早朝

梵王春殿曙鐘催却望金輪紫禁來萬炬光中軒騎入  
千官頭上午門開遙瞻鳳闕仙班後始拜龍墀鵷從回

白雲殘夢思周穆縱有瑤池亦劫灰

憶與陳全人下第南歸每次金陵宿報恩塔院

六朝王氣盛當時水滿秦淮繞帝畿  
帆落舊都江色暮月搖金塔梵鐘微  
壯心淡泊聽蓮漏客路蕭條戀禁圍  
回首山陽成往事不禁禾黍歎依依

憶過姑蘇

西風散髮闔閭城回首姑蘇淚暗生  
孤客不知他日恨旅懷空愴昔人情  
秋高葉落吳門冷夜半潮生海月明  
三十年來吟望處江湖繚繞暮雲平

憶過西湖與余中丞集生汎舟



蘇堤衰柳雁初飛短袖峩冠靜對誰萬古湖山猶此日  
六橋風雨憶當時故人夢斷西州渺病鶴天遙松月移  
記得少年曾有約一瓢長乞浙江湄

金陵懷古

此余爲白衣時所作也因拈  
憶舊諸篇記及附載于後

建業樓臺烟樹微蒼茫天塹雁斜飛大江南北誰能限  
西浦神仙願已違昔日顧榮輕白羽當時王道重烏衣  
方山日夜長如此淮上千年古帝畿

寄姚石埭六康

北望金城思渺然寒蒲新柳夕陽天遙山雁去三千里  
獨樹鶯啼四五年官閣聯詩知政暇宦情如水記生前

故園更有樺香在莫學淵明醉菊邊

桐子山

桐山早歲已知名今日親從鳥道行一縷雲根逾嶺路  
半空人語隔溪聲新栽綠樹埋烟重舊引紅泉落澗清  
此去數程江岸近不教人作武陵行

春日再過泐山

西浦春畦生野烟北山疎雨過遊船一條舊路依層砌  
無數新陰異去年近接紫霞廻峻嶺遠臨芳樹帶長川  
高臺日暮天風起水逝雲寒思渺然

黃徵君過訪

江楚名儒不姓龐  
雲山次第到湘江  
石頭路滑蒼苔偏  
螺髻春深烟樹降  
看竹最宜風滿座  
聞花應愛鳥窺窓  
灰心更有詩囊在  
荒院留題韻自將

上巳寄南康太守廖昆湖

武陵春色近何如  
花落寒梢影自疎  
藉草遠過江浦岸  
燒香還課北山鉏  
波光幾歲搖高嶺  
雲氣從朝覆敝廬  
此日獨懷彭蠡守  
袖中存有故人書

春日凌世作陳無隱凌稚圭葉御題陪黃徵君入

山

數數離家謁上方  
此回陪客趁春光  
蹋窮芳徑草新綠



啼徧楊枝鶯舊黃出郭未除寒食火入山偏近野棠香  
殘紅黯黯都教盡世上浮生幾著忙

### 寒食

年來底事覺荒唐無數春懷掩上方萬竈寒烟逢禁火  
千條弱柳送殘陽岸高臨水蒼波遠日永看雲紫陌長  
處處古堦封白紙陰森松栢去人忙

### 清明

近臣賜火何年事淺綠深紅過此生已看細雨連三月  
却聽啼鶉正五更侯門盡醉當花落馬背餘醒拂柳輕  
撫景不堪愁蝶夢因人空切住山情

春望

多情每笑無酬處，獨上高樓望遠空。  
細雨自零春岸迥，斜風偏送柳條東。  
百年暗逐江籬暮，萬事銷歸山櫂紅。  
寥落莫愁頭白盡，死生寧不與人同。

悼言全監寺

華首

離家已是五年餘，總向殘山守舊廬。  
離亂寺田空有稅，往來羸稚不成鋤。  
出門自負千寒暑，掩室貧炊數麥蔬。  
肺病兩冬猶未釋，伯仁由我痛何如。

壽劉煥之副戎

真隱何殊水石間，王門深遠意相關。  
入世但尊程氏學，

論心唯許遠公閒  
常供軍儲先輸國  
時捨僧田爲近山  
最喜年華纔不惑  
佇看儒術徧塵寰

楚黃趙處士入山見訪

楚客春遊望石門  
一肩風雨冒寒原  
因尋茂宰知山近  
却枉高軒到日昏  
野鳥避人過遠樹  
潭龍噴沫見深源  
憑高莫指前谿路  
苦竹林邊有夜猿

寄足兩侍者

舊院何人潮汐中  
十年立雪恨西東  
頻行方丈莓苔破  
久病牀頭藥罐空  
門對孤松分鶴影  
窓臨野竹惱春風  
老僧近亦多愁疾  
獨掩高峯聞夜鐘



落葉

一葉辭枝影便單  
烟深沙淺亂離難  
因風恨不寒燒盡  
踏月空憐屐齒乾  
却憶題紅疑有字  
若逢爲笠也須冠  
紛紛樹上殘陽裏  
正好和雲作畫看

落花

辭枝片片逐東風  
不信繁華過眼空  
山月自寒今夜夢  
碧雲愁鎖舊時叢  
徧尋踪跡徒勞蝶  
狂逐馨香尚有蜂  
但識初終無二致  
依然滿樹紫兼紅

姚大叅亦若儼  
就居太平舟次  
相見率爾有贈

曾因避世入丹丘

公昔避亂丹霞

北望衡陽幾度秋  
亂後將家

依幕府歸途訪舊過汀洲谷口殘鶯啼柳暗石門斜日

映江流看雲休逐三川遠却指鄉關在豫州

姚中州人

送澹西堂之海幢兼寄阿首座二首

薰風又送下江船共許青山各一天柳色漸深人去後  
鶯聲偏逐馬行前半句雲寺傾長日幾夕燈花話隔年  
若問老僧春夢足多時曾遶木蘭邊

不信遙山更有愁蒼茫烟樹越王州見攜孤策辭林鳥  
知共何人上海樓潮帶殘陽歸客艇月隨零露下蘋洲  
蕭蕭朝暮孤峯外極目長天空白頭

詔復濱海遷民故業三首

聯堂詩集 卷十三  
市上驚傳鬻海魚幾年禁令忽聞疎流民多恐無歸日  
望里翻愁空故墟城犬隨人尋舊路野鴉遷樹避新鋤  
不堪悲處還成喜童稚編籬且種蔬

官府唯聞復故基荒涼田舍欲何爲餘生便是承恩日  
後死彌深設慮時已分辭根同敗葉却因回律惜殘枝  
夜塘寂寂春蟲切雨過疎籬帶濕炊

死生誰復問身名尚在幘幪愴倍生妻子流離今已過  
家園存沒眼前成辭巢社燕先秋恨淚血啼鵲薄暮情  
天道好還憑未得人心將作感恩平

酬阿首座并寄澹西堂二首



渡頭長繫過江船，樹裏尋源六月天。  
海燕漸辭山槿後，塞鴻應見露槐前。  
道情斷續同流水，世事飄颻似去年。  
自是吾門生計在，可堪惆悵白雲邊。

抱璞生愁別亦愁，脚跟無線繫皇州。  
若教此意如秋葉，不惹閒心上庾樓。  
臨水已沉潭底影，看雲猶憶雁回洲。  
苦吟豈爲誇同調，一曲清歌笑白頭。

李別駕入覲回署適當誕日作詩寄之

萬里朝天歸早秋，西風昨夜報山樓。  
去時憶別愁青黛，回日逢生尚黑頭。  
楊柳舊烟仍繫馬，梧桐新月照牽牛。

時值七夕

王程執掌年方壯，共喜恩榮發豔謳。

七夕驟雨

西風初動暮山寒萬樹濃陰綠未殘星漢自高虛夜色  
鵲橋無路暗雲端人間驟雨應遺恨天上新涼欲盡歡  
景候不殊人事別新詩攜向佛燈看

余生平摘過頗切輒有面從之感賦以自責

我亦年來厭此心無人終日對高岑盡云有石能攻玉  
誰信真鍮不博金晚倚西風寒似昔曉臨秋水淡如今  
一林霜氣從空下單複衣衫各自任

初秋

山院炎蒸苦莫何西風忽向竹間過梧桐新月難成寐

楊柳殘烟好放歌足疾偏憐憑藥力心閒每恐入詩魔  
寒蟬遠樹聲逾切始信深懷冷處多

唐樸非有北上便道入山之訂久候不至

遙望錦帆過急湍短章裁就寄長安已開山閣延朱履  
却訝香塵隔玉鞍秋草定沾朝露濕黃花空送夕陽殘  
八方輻輳春風暖誰信柴門雪夜寒

送唐樸非北上兼寄程民部周量二首

長安有路路茫茫目送征帆雁影長九萬程途新羽翼  
一朝邦計舊文章杏花首擢誰先達金馬聯翩接後行  
應笑老翁頭白盡懷人猶自憶春芳



鳳池幾歲絲綸貴空谷頻年金玉遙坐斷寒雲歸紫壑  
望窮明月上青霄公車過處猿偏切廟算閒時雪未消  
欲寄宋曹逢解袂離歌一曲起漁樵

程曾爲中書  
故有起句

送廣慈侍者歸隱廬山

一笠風烟望故山石梁流水尚潺潺投林輸爾鞭先著  
待月愁予身未閒遠接湖光高築室近穿松逕自爲關  
聽猿更有幽懷在分付溪雲留半閒

酬盧處士黼子

西樵居士在端州遠寄丹山最上頭二十年虛宗炳社  
一千里憶剡川舟雲端話斷星巖夜錦水人歸碧玉秋

世故儒生誰獨念黃埃滿市莫淹留

庚戌元旦書懷

出世已經三十年紅帔白髮拜金仙身閒在世豈容易  
夢覺隨人只倒顛夜雪曉風思煥盃松濤溪管羨高眠  
未來人事應難料又報鐘聲上法筵

送姜山侍者行乞江南兼寄匡山諸衲

一鉢江南萬戶春入廛須是住山人朱門豈有嫌支遁  
白社何妨狎許詢易見鄉關他日夢難辭師友此時身  
秋風返棹經廬嶽爲囑同門且耐貧

寄姚六康

因僧乞食下彭湖試問陶公憶我無去歲綠楊仍在目  
今朝黃鳥已頻呼晴烟客棹詩能苦春雨官齋酒再沽  
獨有白頭人悵望深山何處望雙鳬

寄黃師古

柳條初發送寒原更有懷人欲並論千里布帆愁錦水  
一池荷葉憶篁村馬卿有意先爲客杯渡無心自到門  
珍重封題隨雁去無窮春色趁王孫

聞石長老歸自閩中却寄此詩兼訊廖太守昆湖  
別去閩城未一年秋風忽報返湖船正疑人重烟霞僻  
却似天留水石緣雲裏峽橋仍古路雪中金井迸新泉



坐逢謝守爲予道近欲移茆五老邊

贈與安竟書記

與安卽錢塘陸麗京也  
擅岐黃之術兼通三學

脫却黃冠著錦爛還丹誤服得童顏真人未必居蓬島  
藥草終須到雪山剩有君臣紹洞上更無文字到人間  
才華洗盡看南斗莫學黃龍在泐潭

送作金行乞虔州

生涯且向塗中去寒鐸還從山上來布袋展開慙白汗  
芒鞋踏倒笑青苔衝將苦霧行荒草又帶斜陽歸霧臺  
無限風流猶未厭滿船珠玉待人回

初春與諸衲遊黃沙坑

春遊老覺步行難弟子肩輿過遠山石壁舊坡須數轉  
野田新屋只三間犢窺僧背常偷菜犬逐人行先到關  
自是大家新歲聚一年唯有此時閒

二書記種桃於法堂方丈之間新花爛熳余偶過  
玩竟書記索詩示以此作

移得桃花近竹扉一般景物昔人非白猿夜夜千峯切  
紅雨年年二月飛金閣儼臨西子面玉容長映老僧衣  
千株何似此株好不及靈雲未見時

寒夜偶成

老病況兼春夜寒山堂寂寂佛燈殘非無厚絮嫌衣重

却有多人任意難心憩久安身世幻願深不作有無觀  
搖搖壁上交珠網法界原來在此間

送澹西堂下廣州并示阿首座

剝水殘山又到春龍鍾雙袖不知貧久膺道法慙無狀  
豈外形骸欲認真楊柳含烟初送暖山花照日見行塵  
相逢但道予猶健潦倒林泉信此身

再送姜山行乞江南

驪歌唱罷不勝悲春水梨花二月時細雨閉門寒坐怯  
暖風吹袖獨行遲長干日落逢歸客湓浦烟銷見廢祠  
極目川原千里外關心唯有老人知



牡丹花開訝其憔悴戲示諸衲

鄂君何事減生平豈到山中繡被輕  
國色但存興慶白天香猶見雒陽名  
不將富貴撩人意故作清癯稱道情  
直待懶殘寒涕盡明年應有露苞生

苦雨

父老傳聞雷打雪果然四十日春霖  
江連野岸魚龍出樹鎖寒烟虎豹深  
田圃預憂新夏旱經櫛先受綠葍侵  
人間欣厭應難免未必皇天無此心

秋日送李廷標赴雲南郡丞

秋草萋萋送別頻賓鴻應識宦遊人  
一官到處青山在

萬里回看白社貧  
筇竹高低逢玉案  
滇人老幼候雲津  
暫勞佐郡威蠻服  
會見泥金鳳詔新

秋日懷悟石陸太守

瑟瑟西風梧葉疎  
訟庭鶴唳夜燈初  
一簾秋月還霄漢  
十卷楞嚴對梵書  
歛目欲尋相見處  
閒心幾失朗吟餘  
年年此日霜天迥  
雁影長空知有無

答紹元居士

千里香花今日事  
一林松韻昔時人  
名題華藏還從本  
石鐫如來信有因  
月滿峯頭閒布衲  
雪沉川上憶綸巾  
山鐘夜夜寒風度  
吹向星巖入夢真

送陳季長還閩并寄怡山社中諸子

歸帆一過石門寒空谷難留久客歡丹嶠共憐孤雁影  
金崎誰待夕陽殘淵明自有田園樂惠遠焉知世界寬  
白社若詢山衲信爲言牛火正盤桓

歲晏懷姜山

東風吹雨下長干又見梅花帶雪殘夏杪一傳廬嶽信  
秋來幾聽雁聲寒艱難客路誰能久冷煖人情我已安  
聞道開年定入越輕舟應過子陵灘

孝山太守入丹霞阻雨建封灘

閒似青山忙似城若爲離合倍關情東風欲送石門影



椒雨仍留屐齒聲雲掩春燈山路寂浪高官舫夜江明  
此心久已成相見魂夢何勞兩地生

並頭蘭寄和阿字澹歸二首

同心只許二人知泄漏春光却怨誰千里遠持華萼信  
一峯斜掩日長時放先已笑青蓮拙裕後潛教嫩桂移  
林下獨宜深對月靈根翻茂莫相虧

兩朵幽香一蒂開逢人休更說從來風前泣露楚人思  
月下聽猿王者猜獨秀何妨同衆草爭榮時亦破荒苔  
孤芳盡日寒林裏肯向瑤琴歎活埋

沈融谷將入都門過別

白社名流觀上台暫辭山侶一徘徊文章有價龍門近  
巖壑爭先鳥道開掩映桃花承雨露悠揚榆莢趁春雷  
迢迢帆影隨歸雁記取明秋芳信來

酬木公尊宿

白雲何處足安排萬里河山一草隈當念久知忘劫量  
入林元爲濟川才共期砥柱傷同異不取移茅絕去來  
底事只今誰舉似佇聞法鼓起春雷

壽尹中書恒復

禪者歸山問昔遊知君七十去年秋世間歲月豈容易  
山上雲烟忘去留招隱久虛宗炳社懷人頻上仲宣樓

高齡相見難期約遠泛滄江空白鷗

仲春得姜山報知以此時入越却寄

一年纔得兩封書  
桃雨霏霏柳雨疎  
吳嶠夕陽投寺晚  
錦江歸鳥轉簷初  
迢遙客路饒新語  
寂寞家山掩敝廬  
收拾笠瓢還舊隱  
春光容易待樵漁

悼仞千壁西堂

歸宗聞訃作

昔辭雷岫獨躊躇  
再別丹山意倍孤  
慶喜堂虛人去後

自雷峯遷丹霞時離言將寂今自丹霞遷歸宗又得仞千之訃皆侍者寮

鉢曇花落雁行殊

仞千以侍者改雷峯西堂

七年行徑空芳草  
此日雲山有鷓鴣  
老我

鸞溪成底事不堪吾道日芳蕪



海幢阿首座生日

法源曾出古皇前洞水汪流浹後先  
諗老尚紆行脚日雪峯已是入閩年  
魚龍寂寞珠江闊虎豹縱橫石鏡懸  
貴胤久成誰灌頂高樓極日鬢皤然

初春陪廖使君曾文學遊玉簾泉

明珠十斛瀉寒隈幽谷憑誰眼豁開  
最喜使君能撥草更逢名彥共登臺  
風飄素練朝烟細月浸冰簾夜色迴  
終古不曾停此日却因嘉會憶從來

過東古雪悟禪師却贈

一岫獨當欄外穩石門回首衆峯移  
長年寤寐酬今日

奕世光儀荷此時返照欲浮湖底月寒雲猶護嶺頭枝  
名山老我應無憾來往能辭倒接籬

春日倩聞道者入山二首

萬壑千峯共一林桃花落盡又春深移茅豈作避人計  
爨木偏多流水音解語應知黃鳥意高懷忍聽白頭吟  
休將底事同時俗杜宇寒枝未易禁

戶外新篁已過牆忽聞語燕復窺堂秋風似昔空留社  
春月于今仍照牀塵劫有身難問世夕陽無脚向何方  
開山我亦成孤調回首雲烟只自將

病中寄阿首座

塵刹難將歲月論每因疎越見寒暄一年一度深秋雁  
何夕何時入塞垣種菊豈惟期晚節拏蘿誰不羨吾門  
月明俯仰猶今昔亦有聞猿欲斷魂



瞻堂詩集卷十四

番禺天然昰禪師著

書記今毬編

七言律五

玉簾泉用劉德馨太史韻

飛空素練玉同瑩萬古長留花雨聲曾借東坡深夜偈  
更逢摩詰對山楹影搖皓月沉空谷夢繞枯藤濯此生  
好景莫隨黃鶴去遐踪應共白雲情

又用葉桐初大士韻

泠泠清影擘雲開誰傷珠簾石徑迴千里有帆應計日

平生無約亦登臺  
遙天噴雪無留影  
灑墨凌空自作堆  
寂照已饒張拙韻  
攀藤重許到山隈

陸義山舍人入山

深山一自埋清影  
誰向鸞溪寺裏行  
無著嶺頭空有約  
天親湖上舊知名  
木樨可遂聞香意  
蓮社應無生客情  
且就松陰磅礴坐  
他年須憶鶴歸聲

陳元水見訪病中少闕展待以詩贈之

高掩柴關人影稀  
一秋伏枕願多違  
隔林傳語芳名舊  
倒屣留歡足力微  
相見定應期後至  
入山何可但空歸  
揮毫且作他年券  
松鶴溪猿認客衣

容瞻公見訪

得程周量寄書周量方出守桂林書中道其從楚入粵卽事賦詩并呈瞻

公

忽傳谷口貴公來入座鄉書次第開同籍故人從帝闕  
及門官舫過湘臺山深江闊何年極雁去雲飛此日催  
更囑陶潛須縱酒荒蕪松菊易成哀

開先山鳴禪師六十初度

重興祖刹逢獅吼一代真風付後人身在此山慙昔日

雪大師主開先時適子掩關歸宗不獲相見

道隆堂構荷芳晨無窮自可禳

山鬼常住偏能現病身千尺龍吟投耳順班荆容我話  
長春



丹霞澹長老六十初度

如來壽量付何人湧出因緣劫外春只少六年稱弟子  
却於五位定君臣臨機輸汝棒能疾得意慙予道未親  
且喜分身還集處端然寶塔露全身

新春偕澹長老遊玉簾泉

門內風烟許共尋病餘春色與年深雲山有意難登陟  
泉壑無心自晝陰半日樓臺增勝槩千秋人事只如今  
飛霞噴玉終何極老大相將且放吟

程周量寄詩并蘭紬賦此酬之

十年烟水思鄉客萬里王程限遠岑寒念雲山添老衲

情紆塵刹見高吟牡丹已覺時人夢霹靂全彰隱几心  
桂府一麾非久滯廬峯還待擁牙尋

周量時以職方郎中出守桂林

### 與方樓岡學士談千山舊事

廿年人事不堪論把臂猶憐意氣存且盡金山深夜話  
欲招宋玉一春魂河山萬里誰同調雨雪千峯自閉門  
身世悠悠成曠劫每因芳草念王孫

### 哭開先山鳴禪師

雙髻真風在及門十年鈴鐸報師恩名山我遂失良友  
先席誰堪託後昆林白鳥哀深院寂香殘雲暗幾僧存  
洪波自古撼冥壑入水長人豈易論

甲寅春日廖昆湖太守解組歸里適予有移茅之役不獲出祖詩以送之

政成得請還鄉去正值桃源花發時五老清風吹滿袖

三山遲日照龐眉金輪難買陶潛醉

予將去鸞溪

珠海誰呈

宗炳詩

海幢無子請藏北行

自笑水雲情未瞥一條柳標送君遲

挽真佛

有子傳燈心已安蓮華臺上足盤桓玉淵步月溪聲舊

錦石登山屐齒乾放老豈虞調衆拙避人寧計買山難

訃音正值移茅日憶昔嗟今眉欲攢

送卽覺還海雲并寄社中諸子



鸞溪一住已三年衰病無心作俗緣見說鄉關人盡望  
其如雲水意猶牽白頭生計應無別青鬢儀型莫放顛  
若問老僧高臥處紫霄峯下綠疇邊

柬倫宣明使君

老病輒聞衰世事無緣空抱古人心閉門風靜看花影  
倚樹日遲聽鳥音三徑久荒遲貴客五陵夙絕託瑤琴  
溪山莫笑無陶釀也有清談到夕陰

退院詩十四首

有引

廬嶽退居之志十年於茲矣長慶兩度見招堅  
辭弗起歸宗一請便諾儼然而來蓋欲借路還

家因風吹火易子孫而禪席還祖道於名藍然  
後掉臂出門指峯深處詎謂三年未究老病頻  
仍數月以來人緣交互乃翻然杖策遂我初心  
住棲賢老方丈待紫霄新結茅萬竹千松一日  
三覺古人登山長嘯棹艇洪波此心此景於予  
何憾匪敢追芳往躅庶免貽譏今時率爾成章  
貽厥高識

生來業運滿應除幸托龍天得退居廬嶽故丘曾有約  
金輪祖席且從虛黃花晚節凌霜早白竹新鋤數畝餘  
淨成在紫霄峯下山中人相傳  
古白竹諸誌無所攷故易今名自此幽棲少鄰竝清談



無客或觀書

曾向清溪讀梵書

順治甲午  
閱藏於此

老來還傍草堂虛窓前綠

竹已成蔭屋後青山又舉鋤愛樹不妨啼鳥換避喧寧  
畏遠人居往還自此無拘束仄徑隨身月上初

厭事久思雲外室愛身仍託寺邊身鼓鐘夢裏驚如昨  
眠食時來得任真聞道郡城多斥堠焉知溪上有閒人  
投閒若更受閒累到老何年是了因

溪上閒人不少終  
不免要受閒累

堪嗟吾道失真傳名實相虧愧昔賢光大祖宗憑法鼓

可哀  
可痛

虛霑信施費官錢

是平  
心話

算來底事何人少空把光

陰暗裏遷損已爲人真箇話蹉跎三十又三年



終年寒涕只垂垂已分違時老更癡茅屋近溪雲占盡  
山堂依樹月來遲高峯不入澄湖影病鶴長棲絕壑枝  
寄語世人休笑殺春花秋葉兩相期

古今浩浩足商量誰轉西颺山葉黃

正當商量也  
須防人暗算

萬里

干戈江色動一林松竹鳥聲涼山頭野鹿如無事樹裏  
人家似著忙探幽戴日忘勞捍浹汗如珠歸路長

閱世幾埋孤鶴影含情時復向人前鍾期既死琴何用

黃石難留書已傳雲隱一峯星漢外天搖雙鏡夕陽邊

試道是甚  
麼去處

水聲深處多岐路

仔細

莫逐樵夫入遠烟

到處相逢說入塵不因多病不知年

老漢平生供狀

門庭施設

兒孫事老大生涯水石邊天下何人能穩坐山中無事

但高眠

穩坐高眠須是老漢始得不然踟躕伸脚還要打妄想哩

無窮歲月從今日

修短安危總聽天

寂寞湖山秋氣清櫓檣日夜少人行野僧不識川原事

父老新傳郡縣名丹岫人歸無信息

潛歸初春還嶺

白門書去

稍關情

阿字近寓江南

閒心亦有閒今古歷數興衰感慨生

秋深落葉埋芳徑避亂人多向遠山送客未嘗過谷口

蹇驢時見到雲間

閒眼觀忙人別是一宵次

戶外西風欺病骨籬邊

新月照顏顏一辭院事閒如許又聽聲聲早閉關

却好是閒

緣因



一山深又一山深郢客無端未許尋嘗因衰世近名事

益見前賢遠害心俯仰白雲空萬里週遭黃葉自長林

日來漸得眠中趣

大家試每日三覺看

不信靈山直到今

相尋寂寞古人高取次多年誤汝曹大刹盡爲豺窟穴

大刹總須喫驚不專指一處

一丘猶是我蓬蒿柳溪地闊宜桃李鶴

嶺山深足羽毛

訶衍住鶴鳴角子住柳溪

萬頃湖光閒自得笑看人

世日勞勞

謾說林泉寄一枝無心猶恐懶成癡

心境相待却恐要癡不得

初終

後夜繞欄處春夏秋山坐石時

一般繞坐錯過多少

溪鶴伺魚人

不覺

鶴亦不覺

山雲到樹鳥先知

爭得不知

記得往年爭洞濟涅



槃城裏豎旌旗

旗幟分明要出  
不得涅槃城裏

休隨流俗負初心生死何曾兩不侵

切忌云何處  
得生死來

未舉

青蓮應解語

此語未有人道著爭  
教不在黃葉上鈍置

空教黃葉誤知音龍

蛇易辨當機眼水乳難忘薄曙襟

多少人在者  
裏一生著忙

今日始

知前日過廬山祇有此山深

那裏是老漢前日過處  
不妨向此山一回懣懣

### 寄旋菴解虎并社中諸子

退身卜得紫霄寬準待誅茅度歲殘老景祇知黃獨美

少年休訝白雲寒非關苦節成孤往每念酬恩亦大難

且道恩作  
麼生酬

且學懶瓚聊自慰還鄉又在數年間

### 經開先上山鳴和尚塔

幾日相過笑語歡西風轉盼隴楸寒溪橋一別人千古  
山寺重來竹數竿夜月已添新塔影寢堂猶挂舊蒲團  
扣門不作西州慟直向深雲定裏看

過棲賢憶卽覺

重踏溪橋萬慮輕今人丘壑昔人情

老漢退居卽覺與有從與

青山

不改寒松色白水猶留峽澗聲種竹庄前看已老攜瓶  
石上憶隨行黃家兄弟皆淪落歎息吾門百感生

卽覺俗姓

黃真佛如禪卽其從兄先三月而逝

上巢雲二首

曾託溪雲留半間十年椎拂未嘗閒已隨梁燕辭秋社



又逐霜鴻入楚山淺草尚多戎馬跡高原休笑鹿麋頑

朝看湖水連天白擬傍西峯共設關

雲居在淨成峯西

攬盡湖光釋素襟俯臨羣岫倚高岑蹲雲遂有牛頭石  
觀水還堪雁影吟簷際星河連絕巘下方燈火點疎林  
解空住處看彈指

淨成擬作山樓

莫負當年遊歷心

### 生日前一日聞南康戒嚴

生日今年異去年連宵風雨忽晴天山中歲月無新故  
世上興亡迭後先萬古雲霄高著眼千峯林木獨成眠

是如來入空三昧時節

平觀總是剎塵事回憶當時已惘然

不堪回憶

入嶺道中寄訶衍角子澤萌廣慈作金圓湛



廬嶽于今已劫灰白雲流水盡生埃荒榛待闢誰堪守

虧著作金圓湛新竹成陰我再來絕食自甘同大眾避人何憚

走千回盡天地是箇人作麼生避一生一死尋常事也有人面如土色珍重

寒溪雪夜杯

乙卯人日酬樊月藏孝廉并寄大願文學時子初還雷峯

佳廬歸棹逢人日是處宗雷在眼中蓮漏久虛潮上月

蓬門重啓雁回風四方戎馬留村寺十載家山倚竹筇

可想言外存沒未應停笑語無限感慨喜君兄弟信能通

酬謝鄴門許二荻二文學

已分佳廬埋老骨干戈萬里促行塵謝家兄弟風流舊

玄度襟情笑話新近海烟深含嶽色遠山雲薄想晴春

眼觀東南  
意在西北

十方多難饒相過韻事何妨到水瀕

偶成

亂後無炊強下山難忘熟處向庾關海雲舊院曾相約  
廬嶽新鉏且放閒戰伐不爭窮髮地行吟偏有荔枝灣  
落便宜處  
得便宜日長睡足觀潮上大樹交風到石欄

話月堂紀夢

夢裏還山亦當歸紫霄深處稻花肥三間茅屋仍依樹

一徑松風尚掩扉

宛然如昨

蝴蝶豈知身是幻

知則不是

莊周應

笑我猶非

非則台喚作甚麼

雞聲枕畔蘧蘧覺話月堂前燈影



微

勉樂說還丹霞

咫尺丹山不肯歸已看紅脫荔枝磯誰言錦石非深隱

各人眼下謾說香爐待息機切忌隨人閱徧人情還老

有西施大老漢肚皮許同宗黨莫依違世界雖闊灰心賴有吾

門在古道于今豈盡非也須有

與諸衲赴大石李村荔枝之約

老人不是貪鄉果爲就雲峯過遠村只箇荔枝休道著

滿口道著滿欲同冰雪倩誰吞禍事小舸盪槳重陰森

口道不著二力肩輿驟雨翻自是閒中忙不徹好將風味寄高原



喜澤萌來自開先并示塵異時塵異偶患瘕

萬機休罷付雷同買得青山湖水東乞食暫迂戎馬外

耕田先指靄雲中千兩黃金難買瘕祇怕瘕不得一生白眼

拚教聾不怕爾不聾漸看人事多疑信却有吾儕自遠從信者

忽疑疑者忽信疑者終疑信者終信

寄南康倫宣明太守

津梁遠託濟時艱屢辱榮施動老顏世亂一丘難穩住  
情高千里欲將還真僧只合依深壑謀食惟應自種山  
更乞大賢終盼睠紫霄容我永投閒

彭飛雲刺史入海雲偶談往事感而成詩卽以爲

贈

盡是湖山去住人聞名何似乍相親論心輸我棲雲老  
問世還他居士身萬古興衰花上露兩朝形跡鏡中春  
花露鏡春也酸辛話到沅湘事四十年來夢轉新  
崇禎末制  
從簷下過來  
府無心開叅先老人最篤後經畧  
西師在楚彼建刺史適居其署中

方樓岡入海雲

金輪惜別誰當後珠浦重來我獨先相見不須教瞬目

也投機只箇得從緣未西風鼓棹江流疾怱甚山月窺

人霜葉穿山月却海島何如佳壘夜萬峯沉雪一燈懸

不妨  
回憶

遲紫霄人不至

入關忽忽重逢臘數折梅花當雪看多病每思廬嶽切

避人猶覺故鄉難平臨海日行無地獨坐虛堂夜不寒

嶺南人不識  
寒中風味

意內久懸山信渺峯頭黃葉夢中乾

錯過  
多少

雪木歸自博山見予海雲聞其母謝世辭還省墓

因示以詩

一肩風雪亂中來祖席欣聞未劫灰舊院隨行黃葉在

北堂遺愛白楊哀百年去住人何限

莫向百年  
裏定當

萬里雲

峯夢欲回

一回  
始知

悲喜且從今日盡相催還有妙高臺

海雲歲暮



老病空驚歲月深  
白雲終古戀高岑  
近人漸失溪山意

慙愧薄海猶存貧賤心  
猶較戎馬百年成往事  
後之視今川

原此夕惜寒襟  
且須香爐猿鶴勞相待  
空谷誰憐隔歲

音

馬鐵印嚴鼎臣二叅戎入山

愛我西江意藹然  
高懷重過海雲邊  
故山千里干戈日

不堪荒院殘年梅柳天  
可惜返旆定知壁壘靜  
到門應

覺鳥聲偏  
宦情官艘自繫榕橋下  
話落寒潮只悄然

方樓岡自五羊之楚

干戈滿地竟南詢  
烟水迢迢隔岸塵  
難向三生求父母

誰從五位定君臣

父母君臣世外人商量浩浩在

因風盪槩楚雲祚借

徑還鄉江月頻我亦永懷廬嶽頂何年同泛蠡湖春

吳觀察采臣入海雲

吳督理  
饒餉

亂後軍儲未易供百蠻生事欲從容羽書緩急空籌餉  
閭井蠲輸賴勸農賦役尚寬僧戶稅尋盟深愧虎溪蹤

麻衣身在陪軒冕秋葉蕭蕭落遠峯

到底  
是山  
人習氣

秋興八首

丙辰海  
雲作

三老高空入五天

只在  
此中

南星一夜隔烽烟

暫時  
岐路

塞鴻不

度庾公嶺江店難逢海客船萬里秋風悲此日

大家  
悲

干

峯寒月憶前年

一人  
憶

蕉黃橘綠真堪慰却引愁人到海

邊解  
嘲

皇圖北極綵雲邊舊事傷心在目前  
萬里公車催朔雪  
午門紫氣望堯天孤城羣盜方三日  
許國元勳限五年  
金盃王魚千古恨何堪鼙鼓入林泉

三十三秋汙祖席前年七夕始移茅  
干戈市地驚林木  
居食從天笑斗筭入海已深龍鼉螯  
望山猶隔虎狼咆  
高峯雪月何生事泣向西風作解嘲

繡戶珠簾閉罔塵笙歌不似舊時春  
黃金勒馬侯門貴  
白壁鏤刀壯士殉陸賈千金歸漢德  
鉅橋萬斛識周仁  
王師到處空秋草何用衣冠繫一身



海月湖風自一秋  
南征北伐兩悠悠  
富強豈是帝王事  
成敗那深將相憂  
萬古乾坤開碣石  
滿天星宿照寒洲  
艱難世故空雙眼  
錯認楊州是冀州

龍虎風雲出大荒  
蛟騰魚躍滿河梁  
楚鷹自獵身能白  
籬菊迎人色欲黃  
靈武何年成往事  
神仙無地問汾陽  
滔滔江漢連天碧  
遮莫瑤池在上方

百二秦關定帝州  
祖龍何處覓浮丘  
不信魯連能蹈海  
却疑李廣未封侯  
雲山一自歸黃鶴  
沙渚于今泛白鷗  
觀水再逢梧葉冷  
乘槎應溯蠡湖秋

聞道荆門未解兵  
九疑秋色對湓城  
千里如見僧歸湖上無

消息

望煞人

客到虔州有戰爭

奈爭

三載孤蹤憐躑躅一樓

明月帶欒槍

孤蹤明月心境各別

逢人但問西江水日下黃塵蔽

亂營

寄王廉憲仲錫

嶧陽孤樹逼青霄流水高山向沈寥

知音亦大有人

擣發久推

今廣漢持平還擬古臯陶千尋渤海羣龍戰

想見其世

萬里

秋風一鶚驕

想見其人

聞道遐心垂顧問東籬花待晚蕭蕭

梅影詩示願海

山齋不作師雄夢

師雄亦不曾作夢

那得佳人入戶來

眼見人戶底不

是

四壁疎斜疑帶月一簾浮動已成埃未堪折贈誰當



幻折贈得更欲移踪獨上臺幻踪亦須一移恐傷潔白聊同夜

自有寒香透劫灰

磊園捨作禪林招予主社感而留題

四十年來事轉新此時泉石昔時人

還認得主人麼

右軍第宅

今猶在

感慨繫之

晉室山河久已湮

何曾夢見

拄杖尚能觀布地

栽松真欲論前因深堂雁影何由度

亦自

莫話寒山春

信頻

爭奈眼前

龐若雲招遊亦菴有懷梁同菴

蘭若重遊興未衰到門一望却猶夷當歡亦自知今日

後會難忘是往時

蘭亭修禊之感今古往往

籬落暫增新結構山前



尚有舊交知夜堂細語人何在滿目河山涕欲垂

題目大了

除夕睹堂梅花再放

嶺表梅花不見臘今年寒盡數枝開誰憐海國僧歸後

只是自憐

故遣廬山春信來

亦只自遣

就下似臨三峽水因高疑

傷七賢臺暗香處處應無別欲剝黃柑擬雪杯

擬不得

中秋後三夕與諸子翫月感賦

連宵忍見天河淨風散重霾缺亦明落落河山人北望

悠悠關塞雁南征傷今聊作昔年興感往偏憐此夕情

的是當時曾次

珍重庭前寒魄影蘭亭樂事悄然生

今昔同慨

丁巳九日海雲書懷

近海寒花亦未開故山佳節幾登臺

千里如見

最憐千里同

秋色不共高林倒茗杯

他年共此只作尋常

落日亭亭江路邈長

天迢迢雁聲哀

逼真現前

淹留每恨無成計勝事空嗟歲月

來

### 悼旋菴湛都寺

顏齡歎逝苦低垂至性從今更有誰

論存事後

伏臘定先同

列覺艱難猶畏老僧知嘗因高誼添身累祇恐勞人却  
病遲回首西風成隔世不堪揮涕憶當時

### 寄尹恒復中書

蹤跡浮沉憶鬢華當時文社幾週遮辭山客久依殘寺

有子年高只住家

一出處各有所感

斜陽轉景扶危柳旅雁回

風落淺沙

光景依稀

白首相思何以贈一杯清茗寄流霞

生日酬王廉憲仲錫吳觀察采臣

草白花黃霜已深調孤絃緩負知音全生豈盡庖丁技  
三樂終非榮叟心遂枉文章歸白社尚紆瓢笠寄東林  
難忘高誼惟今日指顧湖山起越吟

又酬南康太守倫宣明郡丞李子文

入嶺時維六十七當當七十尚盤桓廣南望雪頭先白  
湖上瞻風葉正丹雲間招手勞宗炳火裏煨牛愧懶殘  
千里珠光搖海嶽益增歸思倚欄干



又酬社中諸子

因亂離山托海瀕朔風初動水粼粼三千路阻干戈日  
七十年催老病身慧遠幾時歸淨社宗雷隨地識前因  
莫辭秉燭燒殘夜鶴唳猿啼夢裏頻

又示各山

損已何曾遂利人

智者大師云予初志一生取辦損已利他今只證五品位

蹉跎七

十可憐春足知塵世無成事

所見皆是

應惜雲林暫住身

豈更

空過萬古江河猶往復

法亦如是

當時觀聽自疎親

宛成差別

迢迢

空劫誰爲主

著眼

莫逐生緣濫夙因

切切

將還廬山留別社中諸子二首

孤嶼寒暄不記年  
蜃樓海市幾推遷  
多所見片帆且趁

東風便老眼  
回看穗石偏  
如鳥出籠春燕任教巢舊屋  
山池

重見長新蓮  
是何意況人間聚散何曾定  
雪夜還應待剡川

知非生客

垂老生涯在石門  
萬峯積雪暗寒原  
今心未易酬先德

作麼生酬古貌終難媚  
後昆  
總之要還山海客已隨春雁去  
溪聲

應共隴花繁  
光景在目流光冉冉干戈裏  
影息深雲起  
自存

唯我能知

佛山遇嚴玉寰提督奉召入京却贈

百粵如今海不揚  
相江一戰敵宵亾  
始知事久論終定

足見功成跡逾光石勒豈能窺晉室張巡全未失睢陽  
臣心如水天心鑑萬里星馳入帝鄉

泊彈子磯

嚴公招  
余同舟

得附官艘稱野情碧天巖壑望中生重圍初解韶陽堞  
插羽仍馳西粵兵幾歲干戈銷客夢一江風雨滯王程  
莫嫌老大歸山暮松菊荒蕪賴晚成

舟次別嚴公

君趨鳳闕我還山共載江流兩月閒戎馬未酬臣子志  
風烟已換道人顏拍天湖水春乘漲鼓角官艘夜入灣  
計日虎符重出鎮雙旌遙指白雲關



奉東制府董公

憶昔鸞溪紹祖山時荒分衛荷隆頒出門倚杖慙僧服  
避地移茅入庾關洪府遠聞江路靜孤峯仍逐使臣還  
寅緣一望孫弘閣七載銜恩想像間

哭石鑑覲子

八旬萬里望寒原倚杖山堂笑語溫欲啓蔣生當日徑  
俄招宋玉百年魂孤松日暮憐歸鶴斷壑春深泣夜猿  
從此掩關忘歲月不知誰是我兒孫

五月一日申刻睡起有感

閉門睡足申初起峯轉斜陽到竹扉萬里干戈餘此日

五年江海待忘機黃葉不教流水去白雲終向故山歸  
獨憐跋涉同行者失我三人淚滿衣

戊午歸自嶺外以中夏上巢雲

山堂九夏無人到策杖尋僧問石源田盡樹連迷虎徑  
雲深溪斷見松門當窓湖水浮衾枕隔岫禪聲入夢魂  
徙倚忽思珠海日不知身已在高原

讀石鑑遺詩

戊午七月  
三十日

讀罷遺詩意惘然中間離合總堪憐瀝乾熱血難尋夢  
欲趁餘生直上天幾回後事悲前事安得今年是去年  
顧我掩關慙已晚閒情休更落中邊





睹堂詩集卷十五

番禺天然禪師著

書記今毬編

七言律六

秋蟬四首

有引

廬嶠初還新構未集僑寓三峽寺之雪泥爪日  
坐長松下蟬蛄徹谷哀音動人偶憶露重身難  
進風多響易沉之句不覺慨然情異世殊均有  
所寄天籟待發因感成聲豈效古人聊當輟木  
輕身高木可悠悠斷續酸傷獨不休觀世已甘朝露薄

因風猶作歲華憂響徹千峯人在夢生從一壑影臨秋  
若教似汝腸應斷白首難爲玄鬢愁

歷盡孤危動蔡琴華冠幾歲遂投林悲鳴竟日終何語  
靜抱長松只此心萬里秋聲風切切一枝寒色月森森  
最憐客淚傷南北都在離懷濕曙襟

無求不敢向人清繁響徒縈十里行曾學金人長杜口  
忽逢玉露自成聲高棲未必全關節棄穢難辭是近名  
翹首長空如獨訴豈堪了了託閒情

衰柳疎槐影自單微吟真欲寄琅玕端綏有意陪高士  
華首何心入侍冠飛映晚霞還就蔭飽餐朝露不知寒

綠陰深處情猶熱莫訝噉噉到日殘

與塵異論及羌山慨然有作

生別何云遂死離百年人事不堪思從今晤對知多日  
憶昔綢繆已後時淚盡江河空滾滾看窮日月自遲遲  
寒山賴有安心處收拾殘編欲付誰

秋日遊白鹿洞時督學邵公太守倫公重修書院  
賦呈倫公二首

鹿跡難尋木葉乾紫泥何事到雲端一人顯晦千秋繫  
百代樓臺幾日歡青松自蔭講堂靜畫棟高臨流水漫  
不堪回憶讀書處鶴唳猿啼白晝寒



代出真儒起陸沉  
丁丁伐木振雲林  
乾坤重換新堂構  
山水還能增道心  
曉月欲分香岫色  
西巖誰辨嶧陽音  
曾從五百占名世  
一睹遺風景仰深

遊凌雲留贈主人

沿溪萬竹深深處  
壁削凌雲自一峯  
貪月少栽當砌樹  
愛人常策北山筇  
長年一衲寒暄換  
小榭臨窓苔蘚重  
交臂忘懷成好友  
更期借榻得從容

遊玉川門留贈主人

何人築室鄰三疊  
千尺飛泉冷布袍  
徑鑿巉巖依石壁  
門開空闊俯林臯  
月來自照一龕靜  
雲散長看五老高

最愛秋山留晚景行人寒夜祇成勞

題三疊泉二首

有引

余初遊玉川門人指爲三疊泉夜歸按古志而  
疑之翌晨拉諸子直探其源始歎天下山川之  
奇非好奇之士未易得見題詩勒石俾後之遊  
者必以是爲觀止也

千丈寒泉天上來巨靈三劈起風雷冷冷玉屑鏤青黛  
泚泚珠簾罨紫苔歎逝冥心歸有道臨流染翰待洪才  
吾門目擊知何說萬古龜龍剖不開

高山流水何年事俯仰登臨今古情羣嶽欲干霄漢直

長川不共聖人清一條拖練探龍窟千片摧冰護蜃城  
頓入光中忘歲月琉璃國裏許誰行

還廬山與塵異第一次對雪二首

五年相失忽如昨黯淡千峯暝色移嚴冷投人偏欲近  
潔清於世肯相期翠竹且教凌後夜青松不敢傲當時  
毋忘白首輕寒意擁被爲君賦雪詩

君看五老與天齊錯落羣巒影漸低地軸壓沉茅屋在  
星辰無恙野雲迷青青草樹難爲色白白津梁易上泥  
一夜紅爐銷不盡曉疑明月滿峯西

淨成閱工口占



當初結宇看容易累石千層費巨財寶殿未成遲佛住  
山樓粗就卽僧來欲移楊柳沿隄入擬鑿蓮池對戶開  
雙手如錐聊話會一牀錦繡待人裁

許明府逸林見過夜話次早陪上淨成有詩見投  
率筆奉答

未竟夜堂無義句明朝且遜杖頭論崇山仄徑回風細  
淺水微烟過雨痕望望豈知春已入行行空覺鳥初喧  
一鋪功德聊回互又待花繁到石門

春日口占呈郡中諸公

紅桃碧柳到窓前倦倚繩牀聽杜鵑曾歷興衰如昨夢

耶室詩集 卷十五  
漸忘名字自今年少延生客調山情故縱高談放老顛  
被物修名官占盡獨留一壑恣吾眠

詠木蘭花

翛然高倚松杉上白比梅花廣大身赤體凌霜寒徹骨  
多情含睇暗憐春似嫌弱質慙傾國獨許微香稍近人  
莫以繁枝掩冰雪藐姑叢裏絕芳塵

二月初九日山樓豎棟示諸子

東風吹雨過南臯一片晴雲捧日高撐棟架樓人力健  
敲金持梵谷聲豪巨靈護我終成住乘願同人豈見勞  
不愛繁華愛岑寂夜寒誰解聽松濤

寄澹歸二首

年年擣散愧相師  
覽鏡遙憐鬢似絲  
此道幾人同踢倒  
登山饒我獨扶持  
湖中春水堪乘興  
月下晴雲好共披  
荒院木蘭花盛發  
折來清供欲貽誰

下江路斷偏爲寄  
入嶺人頻懶作書  
不能仰面成疎放  
強欲誅茅似有餘  
峯抱石坪宜架閣  
屋連荒隴且開畬  
前途未必無知己  
却較還山得自如

倫太守宣明許明府逸林祀佳廬便道見過

雨暗郊原春尚寒  
一行車馬駐雲間  
山祠酌酒千杯劇  
野寺尋僧半日閒  
欲問滄洲終覺遠  
回看紫岫若爲攀



溪聲竹影媚媚媚不信峯頭老更頑

李郡丞子文同倫太守許明府祀佳廬倫許二公  
入寺李公獨上白崖詩以寄之

江州司馬慕高蹤貪引山樓聽夜鐘冒雨幾人過僧舍  
攀蘿獨自上雲峯何妨不見戴安道有興還尋南院顒  
莫厭東林不設酒署齋長掩一重重

與諸子賞牡丹用塵異韻

山寺何來富貴花汝曹應是厭繁華無端乘驛從京邸  
誤殺含香醉晚霞天外落紅春日早人間繡被夕陽斜  
上方更有琉璃國試數峯頭第幾家

淨成邀看牡丹是曉風折一枝行僧送來口號一

律示之

東風不是妒花開一枝先折過溪來檀心已入青宵夢

葉底難藏錦繡堆

棲賢昨日所賞黃萼名檀心淨成折來名葉底藏

似厭芳塵

輕絕袂敢辭青目重登臺從來仙種皆忘物自有憐香  
護寶胎

淨成看牡丹

尋花又向石溪東豈逐君王笑臉中一朵微醺仍淺碧  
數株輕紫倚深紅影搖茗盃沉春綺香結雲嵐遞晚風  
怪底琵琶遮不住笙歌繚繞萬山重

巢雲看牡丹酬廣慈靜主

看花再上一層峯明歲新知卽舊逢

廣慈許以大紅一本移淨成

春

露已承當日渥御袍先賜隔年封娟娟國色含風淨郁

郁天香裊雨濃

先日大風雨

金帶莫愁遲莫意魏公門外許

從容

淨成石泉

曾聞陸羽題招隱天下標名第六泉紫岫更饒甘露味  
洪源高出石流鮮子瞻到處西湖在宏覺他生鐵鎮傳  
笑我住山多苦澁一杯常得試雲邊

曩在海雲偶得一天風雨沉山閣之句時塵異諸



子侍坐命作對語塵異以萬古雲烟鎖石門應  
予心異之已未八月初七入雙鏡樓忽憶前事  
正當斯時因用舊句足成一律以識夢中之境  
始信人之心願原非虛設也

淹留江海惜精魂且喜今朝獲旦昏嵐影鶴聲新耳目  
竹林牛火舊寒暄一天風雨沉山閣萬古雲烟鎖石門  
起視不知成浩劫六朝人物想應存

送劉莘叟別駕督漕北行

山中送別限溪橋萬里王程向日遙記得去秋松嶠月  
望窮長夏灞陵潮軍輸幾歲功曹貴戎馬今年相國驕

回首征帆隨雁影北風吹雪下雲霄

中秋雙鏡樓與諸子玩月

雲裏高樓結構成憑欄一望萬峯晴移牀且待黃花盛

玩月先當白露清階下牡丹新影瘦

山中植牡丹皆以中秋爲期

簷

前湖水疊波泓頽齡賴有良宵樂數盡長空過雁聲

哭法緯濟同學

同出師門愧弟兄烽烟幾歲夢魂驚悲離已作他生事  
倬往終傷此日情白鶴何年歸華表黃巖依舊在湓城  
一杯清茗將雙淚千里遙稱妙喜名

足疾



寸步難行人事非六時高臥壯心違黃花自向籬邊綻  
白雁誰看天際飛有約不辭摩竭室無言長掩懶殘扉  
緬惟曠劫匪容易莫負錦爛當日衣

九日病起登雙鏡樓二首

重陽再見此登臨久病翻憐少壯心黃葉已尋幽澗落  
白雲猶閉獨峯深多餐籬菊寧辭老細看茱萸又到今  
寂寞湖山窓裏盡秋風高頂幾成吟

萬里秋深松栢哀幾人於此重徘徊入簾西日四山暮  
極目長天獨雁來宿草曾經春露早寒林已見朔風催  
川原一往成今昔誰向峯頭數劫灰



獨鶴

搏雲萬里竟徒勞  
沙水無魚入九臯  
不鳴莫論誰堪和  
在陰何妨影自高  
體皓不貪松月照  
息深無慮北風號  
鶴雛鵲稚休軒舉  
若向人前惜羽毛

孤雁

北風吹雪白紛紛  
孤雁南飛紫塞分  
顧影每憐江上水  
貪程不見嶺頭雲  
稻梁汝亦甘爲客  
寒暑誰當念失羣  
春到自知沙漠闊  
遠天嘹唳獨峯聞

答劉別駕

劉督運北回惠詩  
并袖袖依韻復之

萬里王程往返忙  
賢勞獨我爲才長  
漕臣轉運供軍國

詔使聯翩出帝鄉

直省報旱及地震使者賁溫詔慰諭

發賑可能周率土

其亾真信繫苞桑蒙頭有衲喜何極和韻成詩興更狂

已未仲冬十一日計塵異當以此時度嶺率題長

### 句一章

常思吾老及人老歸省情知許出山去日自辭星子石  
計程應到庾公關法門有子皆他子膝下承顏憶別顏  
相見定難期久暫海瀕江岸水潺潺

### 夢軒書懷

入山早計今生事三十蹉跎到此時鞭馬已無千里疾  
解牛徒善一刀遲曾爲弟子知恩重謬作人師歎道衰

息六愈深鵬起處便乘雲翮出天池

大雪開簾看牡丹臺

無賴病夫朝尚眠不知風雪霽長天千重珠網開丹壑  
幾樹珊瑚種玉田看去已忘今日後坐來殊笑數年前  
孤懷却喜無人對靜抱寒襟花葉邊

已未歲晏

山中今又度殘年七十加三貧病連同學已歸黃土盡  
及門多在白雲邊客來到處攢齋料工去逢人借賞錢  
舊事不堪更提起生涯只有日高眠

南康太守倫宣明見過

時倫被  
論待命



山中交臂非今昔白首誰論世上情曾到帝鄉知士賤  
却從林麓覺身輕寒梅冑雪香彌遠霜竹乘風影倍橫  
百歲升沉一彈指看君贏得學無生

倫憲明文學入山賦贈

幾載音書意渺茫翩翩今喜到山房相看水乳多生舊  
若問因緣後話長萬里江山非遠近一靈明昧豈荒唐  
君家兄弟多高誼三徑隨時到不妨

放言六首

從來住處難如意四十年居大衆中今日退閒猶我造  
小樓高出與山同窓間湖水寒光森屋外蔬畦霽色葱

只有一般堪笑煞或時富貴或時窮

富來架屋連雲棧轉眼春糧不夏謀佛殿勉裝過歲易

工錢賒落待誰酬竹麈鶴嶺知難販

鶴鳴山深多竹苦多無販者

木

取花園勸助修活計隨時窮則變人生何用苦營求

入山五日辭歸省塵異人疑豈有他

疑其被債累

炮藥莫貪

銀罐好典衣休惜子錢多移將野果當窓種灌取秋葵  
待客過百事到來終做去住山須是老頭陀

提瓶挈水非容易久住都來信宿因近學維摩空一室  
還同魯祖坐三春親承盡是門庭事道誼難爲溪壑人  
豈到白頭方覷破生涯誰道有天真



廣海閩山豈不安幾生夢繞紫霄寒一枝已遂巢居樂  
滿腹寧憂河水乾未曾九十驕榮叟坐斷千峯笑懶殘  
寵去辱來看欲盡剝塵何似太虛寬

饑飽寒溫總聽天生來不乞半文錢非關性僻偏甘淡  
只是人前恥受憐心裏無求堪作佛世間有欲豈能仙  
從他瞋怪從他愛我自堆堆白晝眠

庚申初春得塵異去冬書

一程書信隔年還細讀猶能慰老顏寶鏡自傳寒月夜  
寂光常照老梅關重經古道疑來日乍聽新潮別故山  
想到板橋回望處幾多人倚石闌干



正月二十一日

心閒性僻多幽趣幾許天真總著忙退院七年成後座  
歸人三月滯南方更買鄰山樵徑斷多培修竹引泉長  
若無愁病虛廊下古木森森春草芳

偶得辛丑八月上華首臺作不覺潛然復用原韻

成詩聊寫懷抱時庚申七月晦日也

舊事荒涼不記年殘篇收拾倍悽然西風葉墮梧桐後  
山月寒生霜露先數歷艱危餘老病不堪紹續托林泉  
難忘涓滴成孤負虛願何曾到眼邊

中秋倫太守見過

宦海波濤覺後驚人間如夢信空名東林不滿陶公意  
達路殊深楊子情萬里秋風催錦瑟千門寒月駐霓旌  
豪華易盡心難盡誰向鍾山悟此生

倫太守昆仲楊文學以貞過訪

何人並轡訪山隈道是尋僧乘興來入座翩翩今賈董  
談心落落舊宗雷雲橫谷口樵歌出風過溪頭牧笛哀  
錯比龍鍾雙舞袖德雲不在妙高臺

秋興八首

誰向峯頭數劫灰河清海竭兩徘徊新亭淚盡江山在  
故國歌殘禾黍哀落落燕泥秋社沒亭亭雁字朔風催

淵明不解長林意爛醉東籬任菊開

羽檄星馳萬里津清秋白晝蔽行塵五都無市三川舊  
七萃何人六郡新衰柳不知承白露寒花恰似倚青春  
世間豈有西王母周穆當年認未真

國運誰當論短長唐虞終古仰明皇田橫不死客仍散  
諸葛雖生漢亦亾秋老漸聞蟬響促日西惟見鶴歸忙  
尼山歎逝川猶在試與當年聖者商

三十春光一布衣太平時節下重幃金門待漏心偏壯  
鐵鎖沉江願始違悟物幾年成遠託閱人今日已知非  
川原壘壘還今古葉盡秋林早閉扉



一天星宿話應難  
露滴秋原淚未乾  
七軸蓮花毫素盡  
十重帝網寂光寒  
生前有夢隨蝴蝶  
死後無人托臂肝  
月落澄潭看不徹  
夜深攜策繞闌干

達天委命是吾師  
萬古人心未易知  
秋盡故憐籬菊早  
春先猶恨柳條遲  
張良豈果爲韓出  
徐庶何妨與漢辭  
謫宦弔湘哀賈誼  
因人聊寫在廷時

天網恢恢不可逃  
興亡千載恨王曹  
一生未易償忠逆  
當世誰知慎節操  
報楚伍員終過甚  
酬知聶政亦云勞  
滿山霜氣澄秋漢  
縱步青雲豈是高

長源何事乞歸山  
功大難爲骨肉間  
富貴每多孫子累

崇高偏覺孝慈艱秋風萬里投林疾寒月千峯入座閒  
莫道深雲高臥足近名干譽亦須刪

聞雁

北雁南飛朔氣侵悲鳴未必爲知音飄颻萬里憑風力  
斷續千行到嶽陰細認江蘆歸路遠難攜海燕入雲深  
曠觀物理皆如此老我枕榔信宿心

塵異廣慈呈對雪詩用韻和之

白晝亭亭日漸淪川原如醉淨行塵舊時草樹全無色  
一夕江山盡變銀流水不知溪遠近隨風先見石嶙峋  
幾翻綉繡長空在耐得深寒景倍真

牙痛諸子入候時正大雪命西軒圍爐分賦

世逢多難厭餘生  
買斷青山尚畏名  
老病日思先佛訓  
寒溫時感後昆情  
新歸共說關梁澁  
舊住惟言菽水清  
爐火初紅風味別  
現前佳句雪中成

天鳳

鶯鶯初生未解飛  
雙眸炯炯羽毛稀  
發聲震嶽驚羣鳥  
昂首凌空撼落暉  
尤物自來人欲殺  
靈姿巧遇命偏違  
梧桐世上多疑誤  
九萬雲霄好息機

冬杪示諸子

歷盡秋冬又逼春  
迴風舞雪萬峯新  
自從多病方知老



久謝閒名懶見人厭亂忍聞當世務早眠猶得住山身  
去留但聽諸來者第一同居莫厭貧

哭澹歸釋子二首

憶別山堂意黯然相期隔歲返林泉木蘭花發詩頻寄

山菊霜零夢已先

去春有詩促歸今秋夢來辭行數日即得訃音

僧史未酬當

世業

澹歸欲重修僧史

道風空付後人傳普賢行願誰如汝長

子于今永絕絃

愛物情深轉似瞋隨緣衣鉢散僧貧生營獅座酬初志  
死塔他山見夙因每念孤懷真類我嘗于岐路愧求人  
師資相構何期合百劫千生兩認真

送塵異但子掩關

扶搖萬里豈徒勞  
鯢化還教惜羽毛  
海運莫隨風力轉  
龍門休畏浪頭高  
爲資世論饒宗說  
欲起寒泉擬桔槔  
好把青銅照兩鬢  
誰當牢落老蓬蒿

柬倫太守

南康之警公適報丁艱兩臺以其能疏請奪情禦寇事定論叙弗及且齟齬之

予感其事爲作此詩

保障江城艱鉅身  
十年風雨見孤臣  
從來世亂思廉頗  
誰復功成憶寇恂  
苦塊賢勞扶社稷  
潢池安戢答君親  
獨憐狡兔川原盡  
翹首九重淚點巾

澹歸靈骨入塔

投江料非諸子事歸嶺寧違汝夙心

澹歸臨寂囑諸衲  
開維後將骨石投

大江復云汝輩若持骨  
石塔丹霞必得凶報

既訂生還三峽寺何妨死塔五

溪岑孤衷豈植燃燈後大願還同樓至深老眼淚涔揮  
不斷千生魂魄許相尋

謝鄴門貽梅影詩用韻和答以酬其意

月下開門送一枝滿林珠玉不勝思休傷歲暮難爲折  
惱亂春愁是此時只有孤蹤投客意何曾香氣惹人知  
疎斜自向山溪早銀燭珠簾影每遲

寄酬閩中諸護法

笠瓢幾度戒前程老病人扶畏遠征尚冀裴休寬後命



彌慙慧遠濫虛名花香已見多生願塵刹難忘此日情  
溝壑未填終不負山頭猿鶴聽分明

慰長慶諸衲

盡道歸山山日長半銷衰病半心傷老成凋謝吾宗喪  
少壯參商門戶荒沉雪振衣臨海衆深溪涉水出山堂  
僧歸閩寺休惆悵須念而翁滿鬢霜

送李藹思刺史開化

將軍急爲收滇郡刺史新除出紫薇百姓已遭荼毒久  
深慈應念脅從非大君有命威先奪廉吏持平亂後歸  
萬里單騎臣力竭清忠知與世相違

簡殘帙得悼旋菴作

二月初四日

誼重難爲繼後塵道衰聊與數前因非關今日方知汝  
却憶當時尚有人海寺再來曾四夏湖山歸去又三春  
淒涼偶檢殘章句舊恨隨聲雙淚頻

牡丹發蕾

年年三月牡丹開未及花開春漸回欲挽春光誰著力  
望窮花信獨徘徊移根尚憶中秋早沃土曾經兩夏培  
葉底穠苞應計日等閒容易到重臺

眼昏

去年齒痛疑生盡今日偷生眼又昏牡丹蕾小花同葉

山徑雲搖石作豚。世故無聞真法界。目前不見別乾坤。  
解嘲未必全因老。亦有微言過漆園。

諸衲呈望牡丹花不開詩

遲遲花信費疑猜。蜂蝶空勞去復回。楊柳低垂枝欲墜。  
芰荷初蒔葉頻開。似嫌富貴先承座。却愛慈悲後舉杯。  
白首自知山日永。洛陽笙管爲人催。

隱几

休將心事自羅籠。法界誰當較異同。情爲烟霞成絕世。  
道因衰病到無功。山堂隱几紆塵刹。石磴凌風跨海東。  
笑煞神通移聽睹。人間天上一何窮。



百合花用足兩韻二首

花以無名勝有名野林僻徑稱山情微風度水香宜遠  
高日眠雲夢不成遁世豈矜塵外見近人最是熱中清  
折來未必供幽賞獨憶當年溪上行

影落荒林靜者知微香不與衆芳期雲深絕壑水流處  
月靜高空雨過時邂逅芝蘭隨臭味窮通山日自葳蕤  
從來物理多同異指點川原付畫師

辛酉中秋

秋空雲散碧霄澄萬里江山倚太清此夜月高人盡賞  
誰家香冷夢初成光輝不作悲歡色今昔偏從寒照生

惟有雁翎斜度急一行倒影入河明

高方伯欽如入山

遠客登山談往事無端併起剎塵心  
水中有樹還榮落鏡裏無人非古今  
萬里長空過雁影千年畫壁臥龍吟  
憑君高著雲霄眼莫向浮生枉尺尋

許太守浣月入山

使君爲政訟應稀亂後民生貴息機  
飼鶴衙齋秋日永尋僧山院晚風微  
意消坐對忘賓主論發由中絕是非  
我亦無心方外侶閒雲流水共依依

秋思二首

高松白鶴辭巢去腐草青螢入夢來秋色不曾爲客改  
寒砧一自向誰哀東山月出臨無地南越猿啼舊有臺  
回首石樓殘茗在豈須沉醉菊花杯

山臨海岸烟波近不到霜深寒已知燕畏高秋辭社早  
雁疑殘渚向南遲風吹白草終何處日麗黃花曾幾時  
豈愛披雲作長嘯石門風樹正相思





